

經部

銀完四庫全型

詳校官監察御史臣劉 芬

通政使司副使臣莫瞻蒙覆勘通政使司副使臣莫瞻蒙覆勘

校對官中書臣金光佛

腾録舉人臣雁兆懋

書

禹為天子扈音声有扈國名與夏同姓馬云姒姓之國 **愈同曰語正義曰曲禮云約信曰誓將與敵戰恐其損 欽定四庫全書** 云南郊地也甘水名在今卷縣西誓馬云軍旅日誓 一日啓與有扈戰于甘之野作甘誓陸氏日啓禹子 1) 1 /25 尚書日記卷六 縣即有這之國也甘有扈郊地名 王推 嗣

亦三苗徐奄之類也正義曰甘誓收誓费誓皆取誓地 孟曰虞有三苗夏有觀扈商有姓邳周有徐奄則有扈 禪承啓獨繼父以此不服亦意之耳左傳昭公元年趙 為名湯誓舉其王號泰誓不言武誓者皆史官不同故 氏曰史記曰啓立有扈不服遂滅之唐孔氏因謂堯舜 則掌百官之誓戒鄭玄云誓戒要之以刑重失禮也然 禮將祭而號令齊百官亦謂之誓周禮太宰云祀五帝 敗與将士設約示賞罰之信也將戰而誓是誓之大者

多方匹角全重

云領比法于六鄉之大夫歲終則考屬官之治成而誅 書大戰〇周禮鄉老二鄉則公一人鄭氏曰三公內與 大戰于甘乃召六卿天子之兵有征無戰扈抗王師故 誓非為戰誓故舉其國名 五名有異爾泰誓未戰而誓故別為之名泰誓自悔而 王論道中參六官之事外與六鄉之教如鄭氏之說此 公即論道之三公則每鄉鄉一人宣即六鄉而分領六 即此二項殺官有其文而後無其職觀小司徒之職

一段定四軍全書 一

尚書日記

徒有事出征屬于大司馬也軍將皆命卿此周禮之文 平時軍將皆命柳況天子親征六柳必從可知鄭氏以 泰誓牧誓首呼司徒司馬司空彼之三卿即此之六 鄭氏曰軍帥不特置選于六官六鄉之吏今以書及之 鄉事而非鄉官也別無六鄉之卿平居無事屬于大司 職而所謂二鄉則公一人每鄉鄉一人者乃公卿分領 屬于司徒而受其比法教法聽其誅賞此為鄉吏之常 賣鄉大夫之職云受教法於司徒則鄉官自大夫而下 卷六 卿

一次正四年全至了一人尚書日記 在軍之士步卒亦在其間六卿之身及所部之人各有 之人者言軍吏下及士卒也下文戒左右與御是編勃 軍事故六事之人為總呼之辭 台六柳及其誓之非六柳而已鄭玄云變六柳言六事 王曰嗟六事之人子誓告汝正義曰卿為軍將故云乃 知故惟孔説為當 軍帥選于六官六鄉之吏則固六官為首鄉吏炎之而 此之六卿必非鄉官也況夏之官制與成周同異不可

平此說亦有理思謂天開于子地關于五人生于寅古 建超领即抑止領寅正也若止領寅正則何得云三正 運行之五氣也怠棄三正或疑夏時領朔不知子五二 謂帝省其山則將何辭以對蓋五行指其在人間者非 有事實如隋時遼東之役伐山造船林麓皆盡文中子 |養民而已五行即六府乃民之所養者也有扈威侮少 極死禹敬修六府而萬世永賴蓋天子諸侯之職在 于 有扈氏威侮五行至今子其恭行天之罰鯀汨五行 而 九己日自八方 左不攻于左汝不恭命右不攻于右汝不恭命御非其 棄其時政而不修亦可知矣故謂之怠棄按文自可見 王珠皆示有所禀承不敢專也 也正義曰天子用兵稱恭行天罰諸侯討有罪稱肅將 無用之明徵也古人每月皆有時政有扈不奉王朔則 亦得為正春秋雖用周正而祭祀田獵則仍從夏時此 正月又有正歲豳風一之日二之日是一陽二陽之月 人重此三時三代雖三正迭建而亦無用馬故周禮有 尚書日記

金月四月 有音 言所職以戰主殺敵左右用兵是戰之常事故略之御 是左主射右主擊刺而御居中也御言正馬而左右不 將之兵車則御者在左勇力之士在右將居皷下在中 惟主馬故特言之此謂兵車甲士三人所主如此爾若 車之上也左為車左右為車右宣十二年左傳云楚許 馬之正汝不恭命正義曰思言左右及御此三人在 一神樂伯攝叔為右以致晉師樂伯曰吾聞致師者左 以敢侧鸡及矢攝叔曰吾聞右入壘折馘執俘而 還

汉之可事在此句 之正獨于御而戒之〇首左字當一斷呼左之人而告 之也下右字御字亦然古者車戰之法五人為伍五伍 命尤在于御半斟所謂今日之事我為政故御非其馬 射者之巧各得其正相應如一人而後為善也戰之司 奚批于射王良為之能遇一朝而獲十是御者之法與 将居中也〇御非其馬之正馬之正謂馳驅之法也嬖 于矢而未絕皷音張侯為御而血殷左輪是御在左而 央主擊皷與軍人為節度成二年左傳晉伐齊都克傷 尚書日記

射右死于刺甲者死車步者死列故能為不敗之師此 先王之軍法也 各攻其事而不以說遇為功非惟師出以正抑左死于 もうセノノニて 之天子六軍則七萬五千人凡三千两先王之師左右 甲士則每兩之長而步卒則各供其長而為之助者也 右主擊刺中主御馬步卒從之每二十五人為一两益 為两一車甲士三人步卒七十二人甲士在車左主射 一甲則一萬二千五百人蓋五百两也卿一人 統

A CITY POWER OF 罪以令衆者皆曰戮上二語蓋古軍法予則云者猶今 **教諸熟則反至太祖之廟而後行也或殺或刑凡顯其** 實于祖社主陰陰主殺故戮于社此軍前之賞罰若徧 必有尊也处方尚然征伐可知定四年左傳云君以軍 子問云孔子曰天子処守以遷廟之主行載于齊車言 行被社釁鼓祝奉以從是又載社主以行也用命謂有 功不用命謂違律奔北賞刑異處者祖主陽陽主生故 用命賞于祖至予則孥戮汝祖遷廟之主社社主也曾 尚書日記

實刑之典無不明備楊氏曰雖有仁義之兵尚無節制 伐六伐乃止齊馬節制之嚴如此故聖人著之經為萬 亦不可以取勝甘誓曰左不攻于左右不攻于右御非 甘誓一篇僅八十字而其間六軍之制車乘之法邦國 其馬之正孥戮罔赦牧誓云不愆于六步七步四伐五 嚴其令以肅衆然不行則人不信何肅衆之有 臨時區處也孔氏曰拏子也非但止汝身辱及汝子言 恥累也按孥戮當從孔説古者罪人不孥雖曰行軍 但

多分四月全書

言嚴之無所遺矣及之誓師能要而盡如此夫子所以 |東日干乘日萬乘皆軍賦之名也凡車之命係于三人 人三司員 台上了 戒其御者則凡車中執御者同聽之雖六師之衆以三 左執射者同聽之戒其右者則凡車右執刃者同聽之 若後世騎步之不相為用也故言兵者皆以乘計曰百 巴左右與御是也蓋古者專用車戰步卒亦以供車非 世法〇廿之戰大矣天子親誓六師其所戒者三人而 乘至于萬乘皆有是三人者故戒其左者則凡車 尚書日記

真氏曰太康者大禹之孫而禹之功與天地並甫及再 多方四月全書 取之為萬世法數 五子之歌

少康君臣辛苦經營以復有夏之業則禹不祀矣太康 功不可恃如此自是昇專夏政寒浞又殺羿而代之非 世太康以盤遊之樂處至失國天命之靡常而前人之

復失之之易而復之之難又如此後王可不戒諸〇周

逸豫以一朝而失之少康布德兆謀四十餘年而後古

芒禹迹畫為九州經路九道民有寢廟獸有茂草各有 辛甲之為太史也命百官官箴王闕于虞人之箴曰芒 之不擾也昇則反之不惟國事是恤而惟應壮是思田 民之與獸為生不同而安居之欲則同故民安于寢廟 人日此魏終之所以親晉侯也晉侯好田故終及之夫 應壮武不可重用不恢于夏家獸臣司原敢告僕夫真 攸處德用不擾在帝夷罪冒于原獸忘其國恤而思其 A. Jan John Jella 而獸安于茂草先王之世賢鳥獸魚鼈咸若者以其德 尚書日記

一般所以至减其德〇金氏曰太康改遊無度愈河之南 民不堪命拒太康于河北使不得反逐廢之〇新安陳 之南也十日曰旬有窮國名羿諸侯名距與距同羿因 徒居其位而不為其事夏都河北洛在河南洛之表水 之巴又以逸豫為從所篡所謂與亂同事罔不亡也 羅雖云習武然亦豈可數哉夫羿因太康之逸豫而篡 氏曰此史序五子作歌之由能敬必有德逸豫則怠勝 太康尸位以逸豫滅厥德至距于河太康於子尸位謂

所因 所因因者明禍亂之本在此不在彼也素不築長城營 以得志也〇呂氏曰姦雄何代無之茍我無其隙彼何 又自河而逾洛水之外又畱連十旬而弗反此界所因 不見是謀備其微十萬曰億十億曰兆言多也懷危貌 厥弟五人至述大禹之戒以作歌蔡傳説怨字好 阿房勝廣何所因隋不伐遼東幸江都李宏王世充何 一曰皇祖有訓至本固邦寧孔氏曰三失過非一也

|淡定日華 各書

尚書日記

對明皇曰在庭之臣以言為諱闕門之外陛下皆不得! 如崇墉之有基下之而不親是自剝其基也○易曰山 者也下剝則上危矣書曰民惟邦本本固邦寧唐郭從 固其下以安其居也下者上之本未有其本固而能 也山高起于地而反附于地為人上者觀剝之象而厚 附于地剝上以厚下安宅程子曰艮重于坤山附于地 處用一且字見得上是大縣說下是究竟說國之有民 〇蔡傳此一段發得意透而辭亦警健說到民惟邦本 きりせ 卷六

之等以勢相扶而已矣民可近不可卜豈不信哉 一次定四車全書 一 |與為崇高富貴者乃此輩撲野鄙戆之民也故曰上下 今日之事向之所親信狎昵者今皆不可恃而天子所 位出奔田野父老乃得覩天子之面而出其疑直之言 無路上達事不至此臣何由得親陛下之面而訴之乎 知草野之臣心知有今日久矣但九重嚴邃區區之心 明皇于是憮然自失回思向之九重嚴邃乃所以釀成 按明皇平日下其民至于關門之外事皆不知一旦失 尚書日記

至微一 多而民怨非今日矣夫以一人之寡而三失之多豈能 愚合而聽之則聖一失其心則君民之分不足復情且 言君位不可恃以為安而民之為可畏愚夫愚婦言其 至彰著則人主不知著而圖之常患無及故當不見是 勝民怨之衆乎怨宣在明所謂不敢言而敢怒是也不 怨不在大亦不在多太康之失至于黎民咸貳則其失 予視天下至奈何不敬予五子自稱也既述禹訓因深 能勝予言其不可忽蓋兆民之情離而聽之則

之體實原于此意者大禹為之使子孫誦而傳之乎太 其二曰訓有之至未或不亡訓亦禹之訓也孔氏曰有 災定四車在十二 |爾而古今亂亡之 爨靡不由之凛乎其不可犯也古 易絕六馬易驚喻其危懼可畏之甚也 有無而取舎馬陳子昂曰天下有危幾百姓是也朽索 張弛馬如民欲資饒吾不能無稅敏民雖未怨也量其 圖 必亡況無有乎真氏曰禹之訓六言凡二十有四字 如民情欲逸吾役而勞之民雖未怨也度其緩急而 尚書日記 詩

翼州統天下四方言失奏之道亂其法制自致滅亡正 其三曰惟彼陷唐至乃底滅亡孔氏曰陷唐帝吏氏都 予愛其言謂正可與此歌末二語為的對 范臺曾侯樂酒色味高臺陂池曰無此四者可無戒與 蹈馬以身為後人戒其太康之謂與〇梁王觴諸侯于 言善惡成敗如醫師之辨樂士師之勃法具物食之殺 人其事犯之罪死不吾欺矣輕生者不顧而身試之卒 康以禽荒而亡皇祖之言于是乎驗矣〇董氏曰聖人

皆在冀州自堯以來其都不出此地故樂陶唐言之○ 失道只在逸豫心志既荒至于紀綱盡亂是以并冀方 先亡紀網次之則國從之矣堯舜之道只在做戒太康 唐該舜禹自堯而下皆都冀州故以冀方該天下〇道 要知堯舜禹相授 與紀綱亦有别詩曰勉勉我王綱紀四方將亂之君道 不能保而失天下也 義曰堯都平陽舜都浦坂禹都安邑相去不盈二百里 道意自堯而始一道相傳故以 陶

一欽定四庫全書 間 此〇自其經常可永守而言則謂之典自其中正有進 亦即上之法制禁令之所屬也此事上自官府下至民 待信而立故舜同度量衡武王謹權量正以民信所繁 細而言鈞石則舉其一而言以見禹貽謀之遠也百度 故得大業也典則泛就治天下之典章法度言之包鉅 意傳謂禹以明明之德君臨天下是也非謂禹以盛德 其四曰明明我祖至覆宗絕祀明明我祖二句只一直 則為信二則為姦故雖以古之帝王亦莫不謹于

注折閱謂損所賣物價也〇禹之貽謀之遠至于釣 二者在王府使有所取正也荀子良賈不為折閱不市 和取平意若取予不两平而有争則非和矣關通和 平亦互文禹慮後世法度廢弛有時不關不和故存此 大法可常守而不易者典也就其中多寡各有定數者 而言則謂之則二者亦難分姑以財用譬之如出納有 則也傳引周官六典八則亦姑以見典則之大意爾〇 石和鈞關取通意若彼此不同而有折閱則非通矣 与新日光

多定匹庫全書 中有悼有傷有思有慕而歸于以理自反未害少有憤 忸怩顏厚色愧也忸怩心慚也此五子言其在于洛汭 陶思之深也思之深則欲見之切矣而又自言顏厚有 31 其五曰嗚呼曷歸至雖悔可追曷歸仇予皆指太康而 而具有太康荒陸之甚至于紀綱之盡亂 雖悔其可追乎言無及也從首漸怨至此為深怨之 以自歸仁人之于兄弟祭辱一體親愛之至情也鬱 而望之之時其情如此也又言人君不慎其德以至 N. 卷六

變而不失其正者矣五子其賢矣哉孰謂禹於之明德 南之夏陽宋開封府之太康縣是也又十年而崩弟 夏都安邑在河之北太康立十九年為昇所拒遂居河 無傳哉〇太康失國因於不敬慎爾故五子之歌始之 激之意盖自虞廷之歌至此猶詩之有變風焉亦可謂 日奈何不敬終之日弗慎厥德以是始終馬乃一篇之 7.10 mm 2.17 領也 角征 尚書日記 10

|郵定匹庫全書 前子相立界亦好田其臣寒浞弑之而篡其位及夏后 減夏遂中絕者四十年而少康復與 相自河南遷河北帝邱在位二十八年方為捉之子 康立觀肇位四海之語則諸侯猶宗之為君也十四年 其居以生澆因其室而有殪用師滅斟灌及斟專氏 水經注窮石既仗善射篡相寒災亦因逢家弑羿即 死逃于禹氏收掛灌斟尋二國之餘燼殺寒災而立 凾 處漢于過處殖于戈有夏之遺臣曰靡事昇昇

康既在五弟之數溪于洛內不在舊都不為昇所立明 其荒酒廢職亦當致討也〇孔氏謂仲康為界所立仲 至夏合為一官其人蓋界黨其時尚未能正其誅然 其私邑府后承王命往征之歲氏和氏世掌天也四時 五子之一也始即王位臨四海角國之侯受王命為大 司馬掌六師于是有義和廢其所掌之職縱酒迷亂于 惟仲康肇位四海至脩后承王命徂征仲康太康之弟 少康 尚善日

美 弱坑四库在書 送六

告于衆曰嗟予有衆至厥后惟明明聖指古先帝王謨

守之常法也角侯言聖有謨訓徵驗甚明可以底定保 安乎邦國下文即誤訓之語先王克謹天戒言君能存 訓其法語也徵驗保安也天戒日食之類常憲臣人 が

畏天之心于上遇災而懼思所以消弭也臣人克有常

繁常法所在能東持而無所失也百官修輔言其羣 憲言其大臣能存畏天之心于下凡大政所關紀

綱

핤

師以道言愚謂只是諸有司之長爾相規相規正也百工 鈴木舌文教用之金鐸金鈴金官師祭傳謂官以職言 其義道聚也聚人而令之故以為名也鐸鈴屬木鐸金 |庶僚亦各修其職以輔其君不以位里勢遠而忘自效 每歲孟春至邦有常刑道人宣令之官名曰道人不 知 有常憲也 法自大臣始故言克有常憲其實大臣亦修輔百官亦 也如是則其君內無失德外無失政而為明明后矣執 尚書日記 갓

居而替前人之今德執藝事諫此類是也〇蔡傳引孟 官師下至百工猶欲其諫不諫謂之不恭況義和不惟 得失而不言猶且有罰況天戒又得失之大者乎上自 一多定四库全書 州鳩諫曰匱財罷民會莊丹楹刻桶匠慶諫曰無益于 有常刑本為義和昏迷天象却引此者平時坐視君之 自官師下至百工無不得諫不諫是謂不恭不恭者邦 執技以事人者以藝事諫見納諫路廣也先王制令上 不言又發其職乎〇蔡氏元度曰周景王將鑄無射伶

上之過諫之少矣百工之賤猶令進諫百工以上不得 |古人申戒之常語来公有孟子之意也〇許氏曰官 惟時義和顛覆厥德至不及時者殺無赦孔氏曰顛覆 引骨教誨以訓相規則主君言宜更詳之 ・ノー・フェラー ノー・コラ 不諫美按此以相規為官司自相規其說亦好但蔡傳 所謹臣人之憲而修輔者疏云平等有關猶尚相規見 相規至邦有常刑皆道人徇于路之言也此正先王之 子責難于君謂之恭以釋不恭之義要之其或不恭乃 尚書日記 ナと 師

房心共為大火知不然者以集是止舎之處言其不集 集言日食或以為房謂房星九月日月會于大火之次 者月極之也月體掩日日被月映即不成共處故以不 厥司以酒荒于私邑也官之所掌曰司〇正義曰日食 庶人供救日之百役也官之所居曰次畔官離次遠棄 凡日食天子伐皷于社勢樂官樂官進鼓則伐之番夫 謂反倒沈謂醉冥俶始擾亂遐遠也紀謂時日司所主 動方匹库全書 也辰日月所會房所舎之次集合也不合即日食可知

たこうう 赞王鼓鄭注云牧日之時王或親鼓則此鼓奏鼓當是 食之天子伐鼓于社諸侯伐鼓于朝周禮救日月太僕 其形若變而相傷則不輯矣則日食可知〇古者日有 陽輯和則陽不疾乎位以常其明陰亦含章示沖以隱 唐太衍歷日度議曰古文集與輯義同日月嘉會而陰 于舍故得以表日食若言不集于房屋以太遅太疾惟 可推算以知之非能舉目見之以此知必非房星也〇 可見思錯不得以表日食也且日之所在星宿不見正 A. 1.10 尚書日記

多方四库全書 陳既多皆樂人伐之〇日食惟正陽之月有伐鼓用幣 百六十五日四分日之一四時分之均分為十二月 有餘分為八節節各四十五日有餘也節氣者周天三 **建姆朔不得先天時不得後天時四時時各九十日** 四月也〇正義曰先時不及者謂為歷之法四時節 之禮餘月則否此九月奏鼓恐夏禮異也正陽之月夏 之穀梁傳謂天子救日置五麾陳五兵五鼓正義云所 樂官進鼓于王王親鼓之太僕乃赞之當又有餘人助

人是可是人生 盡無月言其闇也朔者蘇也言月死而更蘇也先天時 朔今歷乃以及亥為朔是造歷先天時也若以乙丑為 者所名之日在天時之先假令天之正時當以甲子為 之數名之曰弦弦者言其月光正半如弓弦也晦者月 半為望望去晦朔皆不滿十五日也又半此望去晦朔 也以月初為朔月盡為晦當月之中日月相望故以月 故一歲有二十四氣也計十二月每月二十九日强半 月各得三十日十六分日之七以初為節氣半為中氣 尚書日記

蔡氏以罔聞知為後時非也 一多分四月全書 誅以天子威命督其士聚使用命 今予以爾有衆至欽承天子威命將行也奉王命行天 夫馳庶人走而義和猶罔聞知是不但推算之失而已 孫炎曰長山之脊也奉天討者謂之天吏逸過也殲滅 火炭崑崗至咸與維新炎熾也崑出玉山名山脊曰岡 先時後時且必殺無赦況昏迷于天象乎觀替奏皷音 朔是造歷後天時也後即不及也其氣望等皆如此〇

A TOTAL PIPE IN 和如此其為助界為亂不言可知然角侯聲罪致討略 與其當蓋又不但崇飲私邑而已是時界為篡賊而義 已有私邑有徒黨有脅從距命不臣之迹蓋非一日其 世討罪之衡天吏二字始見于此〇義和非止廢官而 赦使自新也○殲厥渠魁脅從問治大哉王言逐為萬 惡之渠魁而已都從之黨則問治之舊染污習之人皆 惡而殺之其害有甚于猛火不辨玉石也今我但誅首 尚書日記

渠大魁帥也言尚為天更而有過逸之德不擇人之善

·請愛者恩意之謂是二者皆所當有但軍旅主威臨軍 之用命也〇謂之曰威克厥愛愛克厥威即見愛乃威 姑息故信其無功誓師之末復嗟嘆而深警之欲將士 之道威勝其爱則信其事之必濟爱勝其威則或流于 嗚呼威克厥愛允濟至其兩東士想戒哉威者嚴明之 先後之序也 守為問則已足以正其罪而誅其不臣之心矣此處變 五分口尼 白雪 無及之者蓋是時仲康之力未足以期界好據義和職

ていりま からり 人節制之道也〇楊素馭泉嚴整每將臨敵公求人過 戰既敗忽誅不用命者七十餘人三軍大震復合戰而 聚字廣之舎止人人自便而士樂為之死要之少于 克之此豈非威克厥愛允濟之效與若子儀之寬以得 勝威則令或不行矣郭子儀守河陽李光弼代之一號 令而金皷旗幟為之精明五代時兵騙周世宗高平 勝威則不若以威勝愛爾蓋以威勝愛不妨有愛以愛 之爱威乃愛中之威而非有二也但軍旅之道以爱 尚書日記 古

嚴不濟事有法所謂節制是也徒嚴則是無爱矣威克 少不得此宣非愛之謂乎程子曰管轄人亦須有法徒 息非是朱子曰巡而拊之三軍之士皆如挟續此意也 為秦人之不為也又宣威克之謂哉O蔡氏訓愛為好 将嗚呼韓信歐市人戰猶以計激而用之若楊素之所 亦如之将士股栗有公死之心由是戰無不勝稱為名 赴敵不能陷陣而還者悉斬之更令二三百人復進還 一多好四月在書 失而斬之流血盈前言笑自若及對陣先令一二百人

當不止此把不足徵夫子所以深慨于文獻之不足也 人己丁豆 八十 夏至再世即中衰少康布德兆謀四十年而祀夏配天 但不可使勝威哉 厥愛非無愛也姑息價軍之道也豈但無功而已哉豈 吁其所感者深矣○魯語云杼能帥禹者也 不失舊物其功烈為盛于周宣史逸其書惜哉〇夏書 尚書日記 Ī

·	1		1			17
尚書日記卷六		,		* · · · ·		金片巴居 台書
卷六					•	
	·					卷六
	-					-
	1		- Page Alle		-	

契始封商湯因以為有天下之號商書舊几四十篇二 序自契至于成湯八遷湯始居毫從先王居孔氏曰自 居商邱相土因之杜預云今梁國雅陽宋都是也按書 云今上洛商是也襄九年左傅云陶唐氏之火正閼伯 十三篇十〇鄭玄云界本封商國在太華之陽皇甫諡 欽定四庫全書 C. 19 - 1 1.1. 18/ 尚書日記卷七 商書 明 王樵 撰

太王為周文王以周受命故當以周為號〇喜說見湯 商受命故宜以商為號后稷之後隨遷易名公劉為函 后稷封部為天下之號者契後八遷商名不改成湯以 三世而七遷也相土至湯必更遷都但不知湯從何地 商邱遷馬都雖數遷商名不改正義曰相土羿之孫也 而遷毫爾又曰湯取幹封商以商為天下之號周不取 自好至湯几八遷若相土至湯都遂不改豈料至相土

|多定四庫全書 |

祭有昏徳天命誅之今順天○正義曰泰誓云獨夫受 別言其誓意記其誓處此與費誓惟記誓解不言誓處 湯子姓名履而號曰湯以湯為諡者非周前無諡○正 王曰格爾聚庶至天命碰之孔氏曰湯稱王則比禁于 者史非一人辭有詳畧 義曰此經皆誓之辭也甘誓泰誓收誓發首皆有序引 うい ことに 稱舉也舉亂以諸侯伐天子非我小子敢行此事 尚書日記

獨夫矣豈待南巢牧野之後而天命始絕哉且湯武既 獨夫者其在斯時乎夫天命已屬師徒既與則禁紂即 氏曰湯武與師之時是即堂命之日張子所謂此事間 伐紂之時始稱王也鄭玄以文王生稱王亦緣也○金 此湯稱為王則比桀於一夫桀既同于一夫故湯可稱 已與師而猶自稱曰諸侯以今于衆則是以諸侯而伐 不容髮一日之間天命未絕則為君臣天命既絕則為 王矣是湯于伐桀之時始稱王也周書泰誓稱王則 亦

金定四月全書

史臣追書不幾于嫌聖人而文之哉〇按王者天下之 今爾有衆汝曰至今朕必往金氏曰吊伐之師義也而 以民心卜之而已 所追增恐無是理○天命殛之天豈諄諄然命之乎亦 至武成有道智孫周王發明見諸祝辭而亦以為史臣 矣汤武所不得而辭者也王若曰猶可謂史臣之追書 所歸往也亦何常稱之有哉天下之所歸往者則為王 天子名實俱不可也然則稱王警衆理固然矣而必謂 ここうう これ 尚書日記

找衆舍我稽事而在彼之怨則又曰溪我后奚為後我 也繼之曰夏德若兹今朕必往葢毫眾知商邑之安而 知己事之小而不知天意之大在聖人則不可不順天 觀成湯辯晓之辭首之曰予畏上帝不敢不正葢毫象 火不可無聖人之拯救也故在此之怨雖曰我后不恤 毫眾有不恤之怨何也曰自毫眾而觀則如在春風如 不知夏民之危在聖人則不可不救民也 在慈母不知有天下之暴亂也自夏聚而觀則如在水

多定四屆全書

者因解諸篇語義且仲虺必對衆告湯亦是會同曰語 言巴出而復春之也孥戮説見甘誓 桉 孔氏曰仲虺臣名趙秦鄉謂以諸侯相天子會同曰語 爾尚輔子一人致天之罰至罔有攸校資調虧賞食言 正仲虺居薛以為湯左相作語皆解湯之辭而言會同 正義日定元年左傅云薛之皇祖奚仲居薛以為夏東 凡因會而陳之者皆曰結不特以告君亦因以晚象 5 仲虺之誥 尚書日記 四

成湯放禁于南巢惟有慙德曰予恐來世以台為口實 籍四也 德不及古金氏日南巢今無為軍地等奔于此因以處 孔氏曰湯代禁武功成故以為號南巢地名有慙德慙 庶也令人專以釋湯之慙為言不復及下句則失仲虺 之故自以為有可愧之德恐後世無君者指此為實以 之故曰放焉放伐之事終不若禪讓之美而又湯始為 作誥之意矣

欽定四庫全書

一以晓其臣民聚庶聰明以聖德言不囿于形氣之私 意有夏昏德二句見失其所以為民主之意天為民求 重聖德上說正所謂天生聰明也表正萬邦續禹舊服 意牽制他不得智足以有謀一毫私意昏蔽他不得此 主于是乃錫王勇智獨言勇智者勇足以有為一毫私 者使為民主使天下有所取正而息其争亂也重表率 こうしここ 仲虺乃作語曰至奉若天命仲虺作語一以釋湯之慙 不為物欲所敬是為天生聰明不可徒以生質言時义 尚書日記

事而已〇弦字要分晓盖上言天意如此故此言王于 兹惟率循其常道以奉順乎天命乃所以承天意不然 舊服答天意者宜如此也○何謂天者典常之所自出 舜授禹不過此四事而已萬古君天下者亦只有此四 則豈天所以錫王勇智之意哉察傳篇末總意提得其 以如有罪天討也何謂典常者禹之舊所服行克授舜 五典天钗也五禮天秋也五服以章有德天命也五刑 所謂時又也重天意上說兹率厥典二句則言所以續

金定四库全書───

命湯指錫王勇智續禹舊服不可辭指兹率厥典奉若 人之所不能知者湯能知之是其智〇表正表標也立 則不可〇許氏曰人之所不能為者湯能為之是其勇 不計雖不指放伐而放伐在其中矣先儒徑指伐禁言 天命〇既承天意率厥典則一人横行于天下自不得 分晓曰先言天立君之意指惟天生民有欲以下天之 書有大義不過一言曰天立君之意是也充舜之所 尚書日記

金定四库全書 靈亶聰明作元后元后作民父母又曰天佑下民作 禹自常人視之則以聖人含其子而以天下與人 與君之職概可見矣夷舜知子不堪即以天下與舜 罪在予一人武王曰惟天地萬物父母惟人萬物之 之君作之師惟其克相上帝寵綏四方天立君之意 降表于下民若有恒性克綏厥猷惟后又曰萬方有 民有欲無主乃亂惟天生聰明時人湯曰惟皇上帝 以禪讓湯武之所以放伐以此而已仲虺曰惟天生

シュラシュー 100/ 約民墜全炭則湯武又不得不身任其責敢民于水 薦賢自代尚代者少不如已是已負天下也而充得 火之中故曰予畏上帝不敢不正子弗順天厥罪惟 之子可繼則又不必固于為讓無非順天而已治于禁 而至此則不以天下私其子又奚足為充舜道哉禹 舜舜得禹故孟子特從而表之以為二聖人者乃為 天下得人者也既替其仁又替其難信乎其難也論 私其子也不知聖人之心所睹者天立君之意而已 尚書日記

一部 员四月全書 忠肝義膽可與伊訓說命相表裏但向上一節似猶 湯武不能為非孔子孟子不能對也〇孔明出師表 義只到恢復漢室便了在漢家臣子固此是大義在 命順乎天而應乎人此二事乃萬世之大義非免舜 天下則非一家之器使漢德已厭人心已去天命 腦唐虞三代君臣只幹當得這一句孔明所執之大 未及天立君之意是也此開天闢地以来一箇大頭 釣亦惟有賭于天立君之意而已故孔子曰湯武草 卷七

九二丁事二十二 當了天下第一等事敢民水火之中以至仁伐不仁 改雖礼明其如之何當時只合自己為天吏直截擔 見借而復見奪哉○漢高帝唐太宗都見不得此一 致討劉表之荆州劉焉之益州正可明白以義取之 謂名正言順而事必成者凡竊據漢地者皆可聲罪 不必費許多委曲又何籍于孫權結與為援以荆州 靈塗炭豪傑並起昭烈以漢室之青舉湯武之師所 以至正討不正則無敵于天下當是時漢室陵夷生 尚書日記

禁之大罪式用爽明也天用不善其所為商用受天之 夏王有罪至用爽厥師孔氏曰言託天以行虐于民乃 金」口月全書 命以昭明其聚所謂時义也有夏昏德衆從而昏商有 明德聚從而明天下之擊于有主如此此下接簡賢附 老董公所謂名其為賊敢乃可服者猶落第二義云 當得箇天吏起劈頭只合救民于水火之中新城三 著為義帝發喪討得這題見只是捉得著了項籍 死款使項籍不殺義帝却将甚事来做題目自家若

とこうら によう 商家大小憂危恐其非罪見滅别况也况我之德言足 于夏世欲見弱除若莠生苗若秕在栗恐被鋤治簸颺 之不賢有勢則附之若是者繁多有徒衆始我商家國 簡賢附勢至言足聽聞孔氏曰簡器也賢而無勢則器 勢文意不倫恐有脫誤 以其必不相容而湯之先發制人為得計也亦曰湯之 聽聞乎無道之惡有道自然理也〇按仲虺之言此非 一身乃天人所倚賴使南巢之師不舉則必見前除干 尚書日記

一金元四月全書 未是觀下文以子對言子者我商也則小大乃當時小 一紂臨九伕脯鄂侯文王只一竊嘆便至美里之囚而况 |天其陋然以事勢言之當時若行迹顯顯必不見容觀 時為善不黨桀者言也餘且如此別湯之善聲尤的者 ·禁将失天人之望爾○小大戰戰罔不懼于非辜指當 而尤桀之所忌者乎昔司馬遷謂西伯陰行善後儒皆 為此而韜晦其迹則不可爾大小察傳專指商衆言似 日有足聽聞之聲入于凶人所惡聞之耳乎但謂文王

聖人之的故言之愈近而其事實難其功愈切渴惟如 官非所以待德官浮于德非所以慎官賞浮于功非所 德之林同人之林于德者則林之以官林于功者則林 之牢故曰不獨貨利者侵德之秀故曰不殖此仲思見 之以賞言官賞一稱其人之功德而無所私也德浮干 此故志氣清明而好惡取含無不得其當愁與子林乃 惟王不通聲色至彰信兆民通近殖生也聲色者誘 こううしいけ 尚書日記

欽定匹库全書 胡五峯曰寡欲之君然後可與言王道無欲之臣然後 民汲黯謂帝內多欲而外施仁義柰何欲效唐虞之治 于聲色利欲中能脫然者幾人南軒臨終教人曰蟬稅 為聖人只在人事切近上〇世之學者高談元虚其實 人欲之私春融天理之妙○漢武謂多欲不宜君國子 其當〇禹惡古酒湯不涵聲色不殖貨利聖人之所以 以慎賞切浮于賞非所以重功見得聖人處之便各得 可以言王佐〇萬氏曰君子小人之進退係于人君心!

色暖貨而後能貴德暫賢○其用人也視人之善如自 其功德之實如權衛之不爽豈可得乎故九經之道遠 衆說可以毀有德衆譽可以進無功欲官賞之施一稱 則承意趨令之人見親而好惡取含漸不得其正于是 本也○按人主一心政治之原此心一染于聲色貨利 術之邪正心術一正則君子進否則小人進矣君心惑 ・こうう こらい 一個人 有功德者官賞何由及之不通不殖乃懋德懋功之根 于聲色則便辟之臣得志貪于貨利則聚飲之臣得志 尚書日記

若決江河沛然莫之能禦者也朱子謂聖人之心至虚 也不稱其無過而稱其改過惟其改過不各所以無過 也成湯之所以聖者在此〇克舜未至于有過而舍已 速改以從善融脫灑落會不俟乎終日○成湯聖人仲 至明萬理咸備故一有感觸則其應甚速而無所不通 從人湯則改過不吝○禹拜昌言用人惟已也大舜有 已出樂而行之無一毫之勉强其有過也知其不善則 大焉善與人同舍已從人則所謂聞一善言見一善行

一 欽定四屆全書

200

巻七:

てこり自己なう 一 湯曰克寬克仁言仁雖始于此然好生一言已盡仁之 愛人皆用也〇 卑陷稱舜御衆以寛又曰好生仲虺稱 體言則仁為體寬為用以愛之用言則寬以容人仁以 此可以細玩三聖人氣象〇仲虺曰改過不各伊尹曰 也又曰令人為寬至于事無統紀後急予奪之權皆不 非廢弛之謂也又曰令不行禁不止而以是為寬則非 妙矣○朱子曰居上不寬益有政教法度而行之以寬 從諫弗哪惟改過不吝所以從諫弗哪也〇以心德之 尚書日記

之累如朱子之言者知此則知成湯之所謂克寬克仁 孟子時湯征等篇尚未逸〇呂氏曰後世師之所至荆 信即聽聞非是益言其德之彰信正見其足人聽聞也 矣○此湯德足聽聞之實乃指為諸侯時言之或以彰 按寬仁君人之大德也然有行之不得其道及為寬仁 在我下稍却是發豪得志平民不蒙其惠反受其殃矣 辣生焉湯師所加民皆欣欣盖吊民伐罪布其寬仁如 乃萬伯仇鉤至民之戴商厥惟舊哉仇鉤事詳孟子盖

金月四月 全書

役以人心願望之極盖民猶以為遲也 早極之時雨所至則蘇也○民之載商非一日鳴條之 天與之人歸之誅其君而吊其民所以順乎天而應乎 前面人心相應天道福善禍淫之可畏與前面天命相應以 佑賢輔德至永保天命上數節言湯之吊伐出于天命 人心天命之無常此為君之所以難也益以今日言則 承天命下副人心者其道尤不易也人心離合之幾與 人心之不容已此下則言君師之責既在于湯所以你 尚書日記 +

金万世月全書 自是隳矣九族乃離而亡也不難矣仲虺納規之要在 所謂志自滿者也自滿必不能日新不能日新則德業 在于以義制事以禮制心以懋昭其大德而建中于民 且離矣况遠者乎人心離合之幾可畏如此日新之道 苟日新而不已萬形惟懷况獨者乎忘或一自滿九族 日新二字慎厥終惟其始終始惟一時乃日新矣天無 其要又在能自得師而好問若謂人莫已若而自用則 人何慙之有以自今以後言則民無常懷在德而已德

時惟天道不可忽也不可恃也故言欽崇天道則永保 兼之攻之亂亡者取之侮之弱昧亂亡乃彼之所以亡 故欲其于賢德者佑之輔之忠良者顯之遂之弱昧者 既放之後正命德討罪一新之初而人心激勸之候也 檳棄者亦有弱味亂亡以阿附于禁而不見討者鳴條 受命昏暴者覆亡之立至如桀藉有祖之成業而喪亡 常親在禮而已有禮者封植之必如如湯以七十里而 天命多〇當時諸侯固有賢德忠良以不合于禁而見

大二日中八三

7

尚書日記

十四

彼之所以亡若安存之道則我與賢德忠良者所共也 者勢不得不誅其君而男其民亡乃彼之自取故曰推 我之所以存佑輔顯遂善善雖不同而同于固其存也 金克口屋台書 昌于孔氏曰有亡道則推而亡之有存道則輔而固之 如是則人心激勸莫不勉為忠良賢德之歸邦國不其 兼攻取侮惡惡雖不同而同于推其亡也賢德忠良乃 同其安存者天子之心也彼之與亂同事而自底滅亡 王者如此國乃昌盛陸氏音義推上雷及〇欲與萬國

大三日日上人上三一 尚書日記 義威儀之則自大君身上做出來與人看而使之視以 之離自此始矣故王當懋昭王之大德以建中道于天 日新一日德乃光輝而萬邦人心繁属歸仰者亦常新 故曰固我之所以存○德無止法民無常懷憂勤惕勵 為則也建中之道在于以義制事以禮制心事有是非 下中而謂之建者民受天地之中以生是以有動作禮 而不厭少或自滿則怠荒之心來之德将日虧而九族 可否一斷以義則事得其宜心者視聽言動之主也一

宜事得其宜則行無不嫌于心所謂內外合德而中道 時做樣子而永與後王做樣子使亦有以建中于民也 始立也垂裕後昆指後王言言禮義之成法不特與當 後伊尹告太甲曰若虞機張往省括于度則釋飲厥止 垂裕誠大矣〇能自得師孔氏曰求賢聖而事之可謂仍 太甲以之為據依若射之首括于度機無妄發則湯之 率乃祖攸行乃祖攸行非即其制事制心之成法予欲 于禮而非禮不動則心得其正心得其正乃能制事之

金少四是白雪

最重得師由我而由人乎哉○真知己之不足人之有 事服從者元帝固情然也則非可謂能自得師矣自字 望之可謂得師矣而望之之所以為賢與其所以當尊 之然而能自得之意尤當深味也如宣帝為元帝得蕭 餘故能委心聽順而受其益不然雖以父母之命臨之 無益也○魏文侯之于ト子夏田子方固曰師之矣然 子夏子方之所以為賢文侯知之否乎吾意其猶夫聽 古樂爾則其所好者特禮賢下士之名而非其中心之 尚書日記

王聖主也仲虺始而勉以日新戒以自滿終而尤以與 善皆其善故裕自用則一己之聰明幾何故小〇湯與 歎息意重有終細玩可字惟字當訓思○殖有禮覆昏 圖始之意已該于上文日新自滿勉戒之中此條更端 所自得也○不能而恥問于人居上而恥問于下問 不誠未少有得而止皆不可謂之好問好問則天下之 直之道矣〇蔡氏謂謹終之道惟于其始圖之稿謂 常終始之際申戒可以見聖賢做畏之心古大臣

禮之修常虞喪亡之至則天命可永保矣〇孟子言充 而入昏暴亦無難者故當飲崇天道兢兢業業益務有 操含無常而天道之禍福相倚一念之不終則含有禮 次正四車全書一門尚書日記 要上承精一之音下啓四勿之傳實在于此〇湯之盤 禹後再見于此而其制心制事二語實有得于傳心之 舜之道若湯則聞而知之湯之道若伊尹菜朱則見而 暴時惟天道笑惟昏暴故亡湯惟有禮故與然人心之 知之說者以為來朱即仲虺中之一字自光授舜舜授

者哉而時則當戒湯德積累非一日以至于有萬邦若 仲虺以戒湯功虧一簣太保以戒武王○按湯豈自湍 里賢之心法端可識矣〇不自淌假舜以稱禹志自滿 銘曰苟日新日日新又日新湯以自警仲虺以中成古 金ピートノー 好問者求此而已八之精爽負于血氣其形于五官 其德常新O制心制事有禮有義學者學此而已隆師 思戒功成而不居不自滿所以日新日新而不已所以 以其時而言固盛極而易滿之時也聖人之心優盛而

董氏縣曰君臣人倫之大經也帝王綱紀天下先謹平 禮如顏子非禮勿視之類是也 之啓廸然後有以明乎禮義之所在而制心制事自得 無以籍口爾茍一為之則後有潜蓄不軌之心而囂然 此而後人得安焉世故無盡人欲無涯不忠之臣何代 其準則○問禮義莫是攝心之規矩否未子曰八是箇 無之所以畏縮而不敢肆者猶以古無是事前無是人 者不能皆得其正故必待禮義以自治必得明師良友 たこり見 Li dul. 1 尚書日記 +

泰伯夷齊之事天地之常經太王武王之事古今之通 愈不自安者焉不有仲虺之誥其孰從而明夫順天應 為民除害及事已定而天下不吾釋聖人之心于是有 義愚按夫子于易極情湯武之革命為順乎天而應子! 人之義于君臣之分不相屬而相維也哉〇朱子當言 金定四月全書 稱亂則容有蹙而心不寧已久矣天人交迫不得已而 台為口實然湯豈至是而後知哉盡調非台小子敢行 以逞者其不指以為辭子故湯以自斬曰予恐來世以 老し

来猶如武成篇所云無那家君暨百工受命于周也湯 行者必應多矣既已克夏改正名號還至于毫海内盡 謂武未盡善此又成湯之心也 王歸自克夏至于毫誕告萬方孔氏曰談大也以天命 人即仲虺之意而于平日則又稱泰伯文王為至德而 大義告萬方○正義曰湯之伐桀當有諸侯從之不從 此時大話諸侯以代禁之義〇按惠湯之都說者不 的番月记

邑益因相土當居商邱商邱穀熟俱在梁國故後人以 當使民為之耕乎毫即今深國毅熟縣是也是諸說不 梁國寧陵之葛鄉也若湯居偃師去寧陵八百餘里豈 湯居毫與葛為隣葛伯不祀湯使毫聚為之耕萬即今 縣社預以為梁國蒙縣北有亳城皇南證以為孟子稱 于山用降我凶德者也此惟偃師為是殺熟非依山之 同疏家亦不能斷令以經效之湯之亳即盤庚所謂適 同鄭玄以為河南偃師縣漢書音義臣墳以為沙陰亳

善朱子謂以表為善未親切表只是中令人言折衷者 古人之基毫城豈必湯都葛鄉豈必葛國湯家伊尹家 沿多有不足據者或指一亭一城一鄉以為證或指有 殺熟為亳因商邱也以寧陵為葛因穀熟也凡地名相 安知非箕山之上許由家之類也 予一人古今同義 王曰嗟爾萬方有衆明總子一人點孔氏曰天子自稱 惟皇上帝降表于下民至克綏厥猷惟后孔氏訓表為 尚書日記

たら日の事を皆一次

止于仁君之則也止于敬臣之則也視曰明目之則也 所謂民受天地之中相似詩有物有則則字却似表字 益以是為準則而取正也天生人物箇箇有一副當恰 聽曰聰耳之則也又曰這幾箇字自古聖賢上下數千 好的道理降與爾此與程子所謂天然自有之中劉子 日聖賢之言東日降東命日降命才日降才深味降之 一言真若天之與人交相付受明命赫然不離心目之 -與得都一般畢竟是聖學傳授不斷故能如此真氏

金万口后人

之有教化以導之而後昏蒙可開强悍可回人人始安 是有不安其常道者使安其道非君不能安其道者如 受之初不無清濁純樣之異故不能無過不及之差干 屬上句謂順其降表之自然皆有不易之常性也即民 之東奏之義民有恒性則循其性之常皆道也凡見于 間也可不敬與○若有恒性諸家俱屬下文惟察傳讀 久已日年1日 君臣父子夫婦兄弟朋友之間者莫不各有常道但東 父安于慈子安于孝之類何以非君不能有政刑以治 尚君日記

性飲只是一物但有原于天具于心發于事之別故異 寧邦家即任綏猷之責獲戾上下若不克勝守典承休 所能及歸重在君道上或謂天立君之意則失之矣表 于其道而不失其恒性是天下待君以輔天之所不及 其名若有字無工夫以理言之也〇克級厥散為一篇 相對看降表恒性天所能也經歡必待乎君師而非天 也見君道之繋于天下其重如此〇惟皇惟后二惟字 |綱領夏王滅德作威以下即綏猷之反與衆請命輯

金月口匠八二十

無復改悟之望天降災以明其罪示誅絕而已 此類也天之降災有仁愛人君異其改悟者桀惡貫盈 德惟戮是聞如茶之苦如毒之整不能堪忍言虐之 夏王滅德作威至以彰厥罪言禁自為不道民不見 秘諸侯以同盡其職而萬方有罪在子一人即自任以 へつう こうこう 夏以明其罪周語曰伊洛竭而夏亡降災之事 克綏猷之咎也 也民並稱免于天地惟天道福善禍淫乃降災 尚書日記 ニナニ

古通用又力周反説文并力也 請夏祭當問之罪于天也請命請有衆更生之命于天 中故成湯拿求與之戮力以與萬姓請命也戮當作勢 威承上降災于夏以彰厥罪而言檀弓云段人尚白牲 肆台小子将天命明威至以與爾有衆請命天命明 之民匹夫匹婦有不預被充舜之澤若已推而納之清 也伐罪救民湯不敢專而一聽于天也〇伊尹思天下 用白今云玄壮夏尚黑木變其禮也神后后土也請罪

愛下民故夏祭寬亡而點伏則請罪者得矣夫夏王有 草木焉兆民信乎其殖矣殖生長也殖曰允殖昔木可 之命果無借差害民者去而憔悴之民皆有生意責若 罪而既伏其辜萬姓無辜而卒蒙其佑上天福善禍淫 上天孚佑下民至班民允殖孚佑孚字因上請罪請命 知而今喜其得之之群也應請命而言○責若草本朱 三請字而言請者聽于天而不敢必之群上天信果佑 一情說似非文意當從察傳以此句屬下句為意音也

金丘四月全書 昧之所及也未知已得罪于天地與否慄慄危懼若将 情無一事之繆無一物之戾然後足以當之而恐非寡 民困于虐政如草木之憔悴今憔悴者蘇枯槁者復如 人輯寧爾邦家深惟付予之重必能上順天理下悉民 家海散而不解抵動而不寧令罪人既點天便子 木之數學也貢文貌 深淵此湯自嚴畏以期諸侯同心奉職之意 人輯寧爾邦家至若将順于深淵夏德昏亂爾 巻さ

諸侯之典几守法度勤政事安養斯民夾輔王室之類 た正可見 天子有天子之典所謂率典讚禹舊服者是也諸侯有 |禁同底滅亡而不得承天之休爾諸侯則既見之矣○ 是大架小架也故欲諸侯以為痛切之戒各守爾典常 之道以承天之休幸顧昆吾之屬惟廢其典常以與夏 非度而就逸樂以一人肆于民上而問念其職之所在 新與之更始也話告無他惟以匪奏怕淫為戒者益從 凡我造那至以承天体皆舊那也而曰造那明商命維 Litate | 尚書日記 二二

皆是也 金分口屋台書 而數之如大閱簡車徒亦歷選數之之意簡在帝心謂 之心簡閱也說文閱具数于門中也謂自門出者 爾有善联弗敢敬至無以爾萬方爾有善所當舉也朕 君有罪非民所致非特聖人厚于責己薄于責人實乃 有善有罪皆関在于帝心也蔡氏曰民有罪實君所為 之所在君道當然也林氏曰所謂罪在联躬非必已 敢敬罪當朕躬是負天下弗敢自敢是皆簡在上帝

欠正日申公子 道而後無負于天之所付若民有罪是為君者教之不 敬論語作帝臣不敬說者曰言天下賢人皆上帝之臣 則獲戾于上下亦豈難哉此湯之所以懼也〇朕弗敢 天下之人皆無罪然後為能盡君之職而無負論至此 至養之無素而處之或失其宜也非民之罪乃君之罪 也夫以一人臨四海而天下人之罪皆一人之責必使 厥猷付之一人必使天下之人無不得其性各安于其 身有可指之罪然後為罪也葢天降衷于民而以克綏 尚書日記

深見聖人之心足與湯詰相發非可漫觀者 請命告詞據此經則既克夏而告諸侯之詞則其意亦 金与四月有書 以其心為心是以痛之按二書所載必古來所傳可以 曰充舜之人皆以充舜之心為心寡人為君百姓各自 已不敢敬簡在帝心惟帝所命據論語則為初代禁而 不同矣○東漢書陳番傳曰昔禹巡狩蒼梧見市殺 下車問而泣之左右日罪人不順道君王何為痛之禹 下車而哭之曰萬方有罪在予一人外紀曰禹見罪

次三四章全書一 舜之四言未當及性而性固在其中矣至湯始明言之 羅文莊公曰六經之中言心自帝舜始言性自成湯始 之而無幾其以能之意 篤信而果踐之也時忱而曰尚克有終而曰乃亦皆難 故勉以時忧而期以有終也忱如王忱不艱之忱欲其 也指上文所言也天子諸侯各有其職而實盡之為難 未可保其終也尚克于是而忧信焉乃亦有終爾時是 鳴呼尚克時忧乃亦有終與爾維新則既咸有其始矣 尚書日記 主

别白而言之孰為天命之性孰為氣質之性其說于是 性之謂道五子關之則曰性善凡古聖賢言性不過如 性也仁者見之謂之仁智者見之謂之智百姓日用而 此自告子而下初無灼然之見及宋程張朱子者出始 不知故君子之道鮮矣子思述之則曰天命之謂性率 子言之如詳曰一陰一陽之謂道繼之者善也成之者 日惟皇上帝降東于下民若有恒性克級厥猷惟后孔 人備然一性而兩名雖曰二之則不是而一之又不

大已日上 上馬 言矣 此所以為性命之妙也語其一故人皆可以為堯舜語 訓教誠也于朝日君臣馬于燕日宿主馬于學曰師 其殊故上智與下愚不移聖人復起其必有取於吾 殊其分之殊莫非自然之理其理之一常在分殊之中 宇益人物之生受氣之初其理惟一成形之後其分則 能也愚當寤寐求之竊以性命之妙無出理一分殊 伊訓 尚書日記 ŧ

逸大體陳論之訓立政宜為訓而入語體者有羣臣 篇而皆曰命爾高宗形日旅葵因事之訓洪範無 以事為篇故異其稱爾說命後二篇亦訓也蒙首 訓訓書之始肆命祖后太甲咸有一德皆伊訓也 百官在也周官乃成王訓官吕刑乃楊王訓刑皆上 訓言則是好臣其所教而不好臣其所受教也伊 人命名之意可為萬世法也若曰臣之於君不可以 友馬以武王年德之萬而名公諫旅葵亦例曰訓古

金河口居白雪

Ū 普告司政典獄則類於語而皆為此二篇訓之變例 2000 後而殷本紀云湯崩太子太丁未立而卒於是乃 惟元祀十有二月至以訓於王序曰成湯既沒太甲 太甲立正義曰據此經序及太甲之篇太甲以繼湯 氏曰太甲太丁子湯孫也太丁未立而卒及湯沒而 訓下之辭又周官近語體品刑以命品侯則類於命 元年伊尹作伊訓肆命以告 但后以我二篇亡引 1.11-尚書日記

多员四角 全書 日今王嗣有今緒皆為太甲繼湯後之辭若中 依經語大典不可用傳記小說○按經文往往述湯 班固不見古文繆從史記皇甫諡既得此經作 立太丁之弟外丙三年 崩别立外之弟 伸壬四年崩 有 王世紀乃述馬遷之語是其跳也顧氏亦云止可 伊尹乃立太丁之子太甲 與經不同彼必妄也劉歆 外两件壬則其文必不如此蔡仲默過於不信書 則曰今王嗣厥他一則曰肆嗣王不承基緒 則

立之此說出於程子而質之於經又合其當從無疑 欠三日声人 知其非者四部子皇極經世書以太甲元年繼湯是 先大儒皆以此為定說矣〇太甲湯嫡孫觀公儀 序故不用其說且朱子於孟子外另二年仲壬四年 也皇王大紀論外丙仲壬之立謂以素理知其非者 湯崩時外丙方二歲仲壬方四歲惟太甲差長故 之下雖引趙岐說仍引程子之說曰古人謂歲為年 一以人情知其非者二以事實知其非者三以歷數 尚書日記 亢

母為正故以十二月即位改元也○乙丑日也不言 古今之達禮也公羊言之詳矣詳見元祀十有二 以為崩年改元其義大謬嗣子瑜年即位而改元 故也〇孔氏謂湯崩踰月太甲即位真獨而告是 朔者非朔日也祠祭也先王湯之祖廟契以下也烈 月者湯崩之踰年太甲即位改元之祀也商以建 仲子舍孫而立子子游問曰禮與孔子曰否立孫此 可見矣兄終弟及必有所不得也此時無不得已之

金分四屆 台書

3

以為周秦漢皆不改月數之證亦為詳確但質之 以寅為歲首也誠為至論又引詩四月維夏六月祖 暑秦始皇三十一年十二月更名臘曰嘉平等事 按蔡氏云三代雖正朔不同然皆以寅月起數益朝 春秋則周實改月數本朝有作周正辯者引證尤 覲會同領朔投時則以正朔行事至於紀月之數皆 攝祭於廟奉太甲祇見厥祖皆以即位告也C 祖湯也太甲以湯崩之喻年十二月即位改元伊尹 511

然月建順於天而右行日月不及天而左會惟建五 信夏時豈可以冠周月也○金氏曰建丑雖曰地紋 改時亦改月周則實然矣凡春秋所書者 皆紀 始猶子時為一日之始安在建子之不可以為春本 自是為始以歷十二次也所以商正用之○伊尹孔 之月月建在丑日月會於丑故天文以丑為星紀盖 詳予以為此不煩多辯兩言而決爾子月為一歲之 其實胡康侯謂夫子以夏時冠周月不知史以傳

一 野定匹庫全書

始名為祭是祠不可以為真也孔氏以祠為真殖 罷而已其禮小喪於殯強祭皆名為真虞稍卒哭 追尊之號安有湯有天下而忘其祖不追王不立廟 祖不追為王按詩女王桓撥朱子曰女王契也王者 之理子○祠與真異祠有主有尸其禮大真則真 躬則非字明矣〇正義謂知祠非宗廟者湯之父 三代而上未聞以字傳者且其對太甲自稱曰尹 疏據孫武子及日覧云名擊或自有兩名或更名爾

ここうえ

1.1.

的新日記

也且孔氏衛月即位真獨而告之就既非則又安知 王是廟中之祭攝於伊尹獨前之告非伊尹所 是祭祗見非祭也祠先王曰伊尹而見厥祖曰奉嗣 祖是湯可知且於先王曰祠而於厥祖曰祇見則祠 祖二句之間先王厥祖異文則先王是湯之先廟厥 主不離於殯側何待於祇見〇太甲即位宣有告湯 而告故吳氏非之曰殯有朝夕之真何為而致祠丧 而不告餘廟之理本文上言祠於先王下言私見厥

|多定匹庫全書

卷

大三日年在自 葵矣太甲宅憂伊尹攝祭故祠於先王又奉太甲以 尹於是乃明言烈祖之成德以訓於王益上對烈祖 咸在位次朝之百官總已以聽冢宰亦各在其列伊 尹奉嗣王祗見以告其又何可疑乎是時侯旬羣后 祗見厥祖皆以即位告獨祗見厥祖者将有以訓之 是時湯尚在殯而未葬乎縱曰在殯即位重事也伊 七月而葵桐宫湯之墓所計喻年即位之時湯少己 下對羣臣說者謂乘王心之虚而入之是也〇天子 尚書日記

尚當有先王也如其言先祠丙壬後見烈祖無乃非 湯時非在殯也改元之日伊尹率百官奉太甲以 序乎若以先王中有湯則下祇見為複矣既以所居 見商之先王益以外丙仲壬為先王而不知湯以上 可以言見哉〇攝而告廟喪三年不祭也攝而臨 祗見丧三年之內事死如事生故曰祗見 烏在不 仲壬之丧則仲壬亦未在應祠之內○觀烈祖之稱 也〇蔡氏云先王湯也又云徧祀商之先王又云徧

金分口乃白雪

祠告是改元之常禮因祗見而訓王是伊尹特舉之 於下從民間之便有二者並行如周七八月為夏五 至廟中不知其禮當何如君臣當何服〇正朔者十 深意○既攝而告廟又奉太甲祗見厥祖是太甲亦 民之視聽是也月數有改有不改有改於上不改 歷官紀年之所始也正朔有改三代三正迭建以新 二朔之首史官紀年之所始也正月者十二月之首 羣臣丧三年不言也告廟是以即位改元之事告

次至四年全書 一

尚書日記

六月孟子之言與周制合而金勝云秋大熟未獲 等皆此類也乃若春秋則史官之書必用時王之正 則又仍為今時之秋益非西戌之月則未有以見 為居誰之憂乎依湯之墓居壬之憂伊尹無乃迁 〇蔡氏必以太甲為居仲壬之喪則王祖桐宫居憂 之事合或者乃必欲旁引曲證以為周不改月踈矣 朔而歷法要為不可亂時必與月合時月必與所書 夫歲之太熟而未獲也詩中四月維夏六月祖看

金りい

とこうう 亦莫不安其位不但此等又次及鳥獸魚鼈成若其 及鬼神不為民降福之類言不但無天災山川鬼神 是對下為意非日新不已之說也〇天災如水旱疾 曰嗚呼古有夏先后至朕哉自毫殷監不遠在夏后 事乎 之世故以夏事告之夏之先后方其懋徳則天之眷 疫三辰變異之類山川鬼神不寧如山崩川竭地震 如此及其子孫弗率而覆亡之禍又如此方字正 尚書日下 ë F

攻言兵非外作天下共起而亡秦由具造攻於成陽也 莫不寧則神人畢安可知暨鳥獸魚鼈咸若則民物 多定四月全書 咸阜可知要玩亦莫不字暨字咸字〇太甲不知率 性遂其生皆天眷夏之先后而然也〇山川鬼神亦 之所指因其所造而已矣湯之毫太王之郊文王之 夫禁之都禹之都也或為朝親訟獄之所歸或為干义 循成湯之德則夏桀覆亡之禍亦可監矣成湯之德 下文詳之正欲太甲率而循之也〇造作也始也造

「こううここう 服此易所謂神武而不殺也謂存武之物一代唐以寛 政於天下者修德無小也 必有其事如武王反商政漢高帝除秦奇政之類故 故能一怒而安天下鉄鉞豈必用哉義師所臨人自屈 者惟我商王布昭聖武武曰聖武見其出於德義之勇 岐其初微矣闍然自修豈有意於與王之業哉而卒為 王室如燉時無有能赫然一奮其武為萬姓請命 惟我商王布昭聖武代虚以寬兆民允懷桀之未亡也 尚書日記 蓋

北民也 爱敬之則於他人則以理之同者不言而喻心之同者 盡吾爱敬之心於親長我知我道所當為而已形其 親長者爱敬之始孝弟之道達諸天下而謂之立者 信之曰後我后后來其蘇是謂懷之此與仲虺語合 所至民大收口非富天下也為匹夫匹婦復雙也是謂 聖武勇智也代產以寬克寬克仁也兆民允懷彰信 今王嗣厥德罔不在 初至終於四海即位者嗣徳之始

多丘四库全書

來及字措字無工夫自然之化也家那四海人人親 不今而從也是以始於家邦終於四海〇爱敬之本 既立爱敬之化自行傳中形字却從本文立字生 與建中建字義同謂為之於此而可為民表也及字 其親長其長便是我之爱敬及其親長也〇两立字 東三四事 上書 明尚書の記 肉之類是及人之老幼吾幼而推已及人使教民不餓 要體認得真與老吾老以及人之老幼吾幼以及人 之幼微不同老吾老而推已及人使老者衣帛食

人已之間皆盡已蹈道之實是以德日以盛業日 鳴呼先王肇修人紀至兹惟艱哉此下詳烈祖之成 敬盡於事親德教加於百姓刑于四海正此章之指 之所當法也下因歷述其誠於樂善與夫處上下 加功三綱五常之肇修即立爱立敬之實事吾王 徳益徳咸業廣如先王亦不過是在倫理實行上 不寒之類是及人之幼此處及字只是感化孝經云爱 Mary Town 次定四事在等 四 曰哪其者長舊有位人可以證此○時若於先民 無先王積累之勤求所以繼之者宜何如而後可 庶幾乎〇父子兄弟夫婦君臣朋友有禮義以相 日弗佛逆於耳實契於心非勉從於外也〇先民 維謂之人紀禁廢棄之湯始修復之也〇從諫而 以廣天命歸之人心戴之由七十而至於有萬邦岩 朝夕之積哉其亦難矣今王坐享基業之大 疏以為古人恭氏曰先輩舊徳也恭義優做子 尚書日記 支

曰君子之事君也不得其心則盡其誠以感發其志 戒其湯之家法與〇居上克明孔氏曰言理怨正義 而已誠積而動則雖昏蒙可開也雖强悍可回也雖 智臨大君之宜 學随曰元首明哉 其義一也〇程子 急心正理明自然旁燭姦不能欺伎不能惠易曰 也愚謂克明者人之忠邪事之是非務之先後緩 日見下之謂明言其以理想物照察下情是能明 則善之所在不待有諫而從矣官刑以遠者德為

手ジロ

與人不求備不再是使人必能之大凡人有善則與 柔弱可振也古之人事庸君閣主而克行其道者 克明而盡臨下之道,為下則克忠而盡事上之心〇 命未絕人心未去湯事無之心曷當斯須替哉欲 以己誠上達而已愚謂湯之事禁如此吕氏謂天 日湯之居上為下皆難乎其自遂者也而湯居上則 上為下二端者處有夏昏德之時當小大戰戰之 知湯之克忠者其亦以是觀之〇人倫中獨舉居 尚書日記

事實〇既歷數湯之實徳而繼之曰以至於有萬 之也湯反之之功甚密觀仲他伊尹稱之處的句是 白分明相對以見意檢身之功兼內外微顯說 子以事父未能也所未能皆我職分之所當為一日 不及不止言其心其工夫亦如此〇孟子曰湯武反 未能則一日有關此湯所以檢身若不及也此二 不可以此自假故所求乎臣以事君未能也所求守 之不求其備見其取善廣而待人恕也若檢身則

多定匹库全書

卷七

ころうう 言要做好人則上面然有等級做不好人則立地 便至只在把住放行之間爾又曰人之學問逐日 者當何如其持守而後可以不墜殿緒子〇善 兹惟艱哉感發之意溢於言表○知先王德之 地恐懼修省只在恰好才一日放倒便都壞 以嗣厥德乎知先王業之所以成其享有成業 以精則資專未若先王者當何如其積累而後 之難而敗之易天下得之難而失之易朱子當 1.1.1. 尚吉日把

心則有以導而成之逸欲之非心則有以防而正之 多穴四厚全書 之幾者數求使畢在朝廷便輔於爾後嗣孝弟之良 教布 也布求猶旁求 也哲人明於理欲之判治亂 數求哲人俾輔於爾後嗣又言湯慮後之遠如此 在 於有萬形所謂朕哉自毫也今王嗣德亦問不 了又曰湯大段是一箇修飭底人○由七十里而至 此篇曰數求哲人太甲篇曰旁求俊彦孟子亦稱 初 卷上

とこうらいう 事以禮制心垂裕後見貼之以德也有典有則貼之 **貽其子孫何以貽之曰徳曰典章曰賢才也以義制** 以貼之使其子孫不能聽而守猶且敗亡而况貼 所 以法也數求哲人胎之以人也後之君不然自謂有 之力也○古之聖王不止為一世之計 莫不有 所以 多實有所自賢聖之君六七作亦賢才衆多夾輔 湯立賢無方而周公稱商實益商家一代得賢之 贻其所贻者曰富貴曰安逸而已夫有其德與人 尚書日記

多分四月全重 特言恒也歌則可矣不可樂酒而歌故以酣配之巫 為十您也舞及遊畋得有時為之而不可常故三事 不遠 制治官之刑以儆戒有位之言也三風十愆謂巫風 制官刑做於有位至具訓於蒙士正義曰此皆湯所 之者非乎漢高屬王陵平勃於身後故劉氏危而 復安晋武平吳之後以天下樂而已識者有以知其 舞也歌也溫風四貨也色也遊也吸也與亂風四 7

らいううら 其刑墨言臣當臣正君也○哲人輔之導諛阿意之 雖惡有大小但有一於身者皆喪國亡家臣下不臣 位者惟恐蹈丧亡之轍為臣者不敢犯不匡之刑則 **眼頑童愛憎乖錯政必荒亂故謂亂風此三風十愆** 義自節而不可殉心狗貨色常為遊畋是謂溫風言 過而無度也侮聖人之言逆忠直之諫疎遠者德比 以歌舞事神故以歌舞為巫風貨色人所貪欲宜以 人從而敗之欲嗣您難矣故又制官刑做於有位使有 尚書日记 Ŧ

蔡氏又引劉原父之說按左傳昏墨賊殺本謂有此昏 難故設不諫之刑〇其刑墨孔氏以為即五刑之墨 邑王誅其羣臣本朝太祖下嶺南亦誅其亂臣襲 戒之微辭也〇朱子曰臣下不臣之刑 益施於邦君 大夫之喪國亡家者君臣一體不得不然如漢廢昌 指斥天子使之環視夫人盡然則為人主宜奈何告 澄福李托之類是也○正義曰犯顏而諫臣之所 逸欲之源無自而啓〇薛氏曰枚舉卿士邦君而不

多定四母 全書

卷七

たこうところ 太甲欲敗度縱敗禮夫以欲而難自克之心加之以縱 以正諫聖人拳拳欲人無犯故為教周至如此〇異時 亦未可引以證此朱子引漢誅昌邑羣臣等事亦以見 墨自為二義劉氏之意似謂不諫者固位不言與貪墨 墨賊三者之罪則皆當殺貪以取官為墨此與墨刑之 此官刑既頒布在官又使蒙士習之使它日入官知所 臣下不臣之有刑爾非以墨為殺也〇具訓於蒙士謂 同故坐其罪而其說不明且昏墨贼殺未必先王之刑 尚書日記

亦已有所指而未明言之與訓之豫又至於再三而王 禹二十四言之訓同一首而其設臣下不匡之刑尤為 前也易太甲雖一時未能聽而卒致思庸由入之先也 至慮異時太甲狎於弗順果左右導之意者斯時伊尹 未克變尹乃管官於桐不使押於弗順馬此豈尹割為 此伊尹所以善於納誨與○成湯垂戒三風十愆與太 微故言之切夫人情受虚而護實事将然而未然折其 而莫龃語之勢三風十您安知不盡為之伊尹益見其 とこうう シトラ 以所做之雜言以其明白痛切易知易行故曰孔彰〇 士邦君有一於身家邦必丧王可有一於身子誤以垂 危也而訓言常念矣故繼之曰念哉敬之於身者言卿 字輕矣作敬身意味尤長敬其身則知邪動辱也從欲 敬字重察氏作以風愆之訓敬之於身則意在上而敬 嗚呼嗣王祗厥身至墜殿宗祗厥身諸家多作敬其身 訓之意言以其為天下國家之計甚大故曰洋洋嘉言 之夫固成湯付屬尹之意也夫固成湯制官刑之意也 的書口見

類者初為小惡小惡有族類以類相致至於大惡晉語 為不德無大言惡有類相致必墜失宗廟正義曰惡有 無小也不徳罔大即不在大也〇孔氏曰修徳無小首 難通若問字作無字看則上下俱可通徳問小即修德 徳不徳字依注疏當一斷徳即作善也罔小言勿以善] 超定四库全書 乎○看來兩問字作勿字看則上問字可通而下問字 作不善也罔大言不在大也厥宗之墜由之而可不戒 小而不為也萬邦之慶益積於小而可不勉乎不德即 卷二七 次定四事全書 馬特名太甲以悔過之人為主示萬世人主處仁選義 太甲三篇雖皆記伊尹之訓而於太甲悔過之始終備 意而其言可玩○漢昭烈將終勃後主曰勿以惡小而 善善進不善茂由至矣始與不善不善進)善亦茂由至 為之勿以善小而不為暗合經意 矣言惡有類以類相致也按惡有類之說雖非經文正 趙文子冠見韓獻子曰戒之此謂成人成人在始始與 太甲上 尚書日記

惟嗣王不惠於阿衛孔氏曰阿倚衙平言不順伊尹之 次中下二篇則專記言爾 歸於毫作書以告此五節也以後則王與伊尹相答之 言三篇本只一書以四節以前分為上篇內具事之節 也王祖桐宫居憂克終允徳此四節也伊尹以冕服迎 始此○惟嗣王不惠於阿衡伊尹作書此一節也王問 念聞伊尹又言此二節也王未克變管宫於桐此三節 之法也○篇中言作書者二前古告語皆口陳疑作書 人口可自 八十 其為號也 宰矣安得復有何衛之官予說命曰昔先正保衡可証 作官名則伊訓已云百官總已以聽家宰是伊尹為家 而取平故以為官名按阿衛益伊尹之號非官名也若 倚同音故阿亦倚也詩毛傳云阿衡伊尹也衡平也倚 知凡經幾月必是伊尹數諫久而不順方始放之序言 三年復歸者謂即位三年非在桐宫三年也古人讀阿 訓正義曰太甲以元年十二月即位此至放桐之時 尚書日紀

這道理光明不昧方具未接物此理固湛然清明及其 念不忘存養久之則道理愈明雖欲忘之而不可得矣 遇事而應接此理亦隨處發見只要人常提撕省察愈 캬 而我之所以為德者也未子解明德曰人之所得必 顧謂常目在之也誤是也朱子曰明命天之所以與我 伊尹作書曰先王顧誤天之明命至玉承基緒孔氏曰 謂有一物常在目前可見也只是常存此心知得有 而此 云明义曰古注云顧謂常目在之此語最好 卷七 應萬

金分四月至書

てこうえ 之後處之各得其所也不承基緒謂臨已定之萬方統 忽尹而不從哉○宅師承撫終言謂之宅者除虚布寛 使不失所故嗣王得以大承其基緒豈可忘祖而不念 此實至理而聖人之心學也湯顧天之命天監湯之徳 雖本上而言然事神又自是事神之敬不可只作 用集大命付以天下而尹又身能左右其君居此民衆 看也程子論敬曰聰明睿智皆由此出以此事天饗帝 此精明之德承事上下神祇又罔不祗肅以承二字 1. L. 尚書日已 界 事

安危在君自古危亡之世未當無忠信之臣而君不聽 金丘四月全書 周忠信也按周則事皆夏心行皆實踐不始勤而終怠 惟尹躬先見於西邑夏至恭厥祖夏都在毫西孔氏曰 而今緒無墜也相與君一體相亦惟終與國威休也〇 廢操持一而有常此其所以有終也有終謂令聞無陨 不外修而內荒不心昵倭人而貌敬正士不朝為而暮 已宅之民衆也當深惟所自則祖德當繼尹言當從 則不得不至於俱亡君不君而臣可恃君不終而臣 卷七

此言甚痛 ここうう 晨也孟子謂平旦之氣其好惡與人相近也者幾希凡 炯然其不泯而况聖人之氣無時不清明而天理無時 能終無是理也〇無終而累於相不辟而忝於祖伊尹 不昭著者乎然而猶必曰洗濯深雪大明其徳者此聖 人之心有丧則有復故平旦清明之氣仁義之良心猶 王惟庸罔念閒庸字句絕古注皆然 伊尹乃言曰先王昧真至無越厥命以自覆昧與夜向 3 物にの日と

一多好四月全書 子孫常行是政故旁求俊彦使吾之子猴欲有為馬則 之子孫常修其德吾之政能行於吾身而不能使吾之 旦而行猶未已也以吾之徳能修於吾身而不能使吾 修於已有未至而施於事者有未及故既昧與丕顯待 此而得夫復善之機也〇陳氏雅言曰聖人之心惟恐 之不明所謂档亡之多伊尹特指昧與之心法欲其於 之為何事益丕顯在心旦而應事則行之於事矣太甲 人敬戒之心即顧誤明命之功也坐以待旦而行之行 N. 卷

C. 75 1 1.15 腁 傳無解命益先王付授之命付以基業付以賢臣必言 湯之修人紀而繼之以敷求哲人俾輔爾後嗣此言湯 乎先王之命不可違越越則自取覆亡爾〇伊尹前言 故尹於此言王無念聞於尹則亦無念聞於先王之命 之昧與五顯而繼之以旁求俊彦啟廸後人反覆言之 行矣其慮後之遠又如此○無越厥命以自覆命字蔡 有開而發之者有順而導之者庶幾德無不修政無不 以嗣德聽賢之意以教命太甲此益太甲所自知也 尚書日記

慎 多定四库全書 者 故驕侈之病千人一同太甲以中人之資雖以湯之家 逸而不知乃祖之心不如是也乃祖之所以貽其子孫 而樂之人主生於深官長於婦寺未曾知憂未曾知懼 可得而保爾 不出此二端者益太甲知乃祖贻我以天下贻我以安 保傅之得人而不免馬忽於儉德而不知慎故欲敗 乃儉德惟懷永圖既動以先王又直指其受病之源 ,是德二是賢才能法其德而聽用其人其基業乃 卷七

とこうら 儉德辟難儉德不可禁以禄儉德是收飲其德與此處 以儉而得以不儉而失故曰慎乃儉德惟懷永圖〇易云 快 者欲推而高之只如此處說儉即有狹小節儉之意故 說偷德不同此處偷德只是節儉之德也世儒說經 利而天下之福也德雖多莫先於儉身心家國之長 度縱敗禮而不能自還爾然不知意腐欲多止目前之 不肯專以一事為言殊不知儉徳亦非小矣孟子曰賢 而儉於動儉於用凡事知所收飲而不敢肆者身之), Lin A CONTRACTOR OF THE CONTRACTOR 尚書日記 定 計

本意 遠比類是也○永圖就在儉徳中小注陳雅言之說非 一金定四年全書 若虞機張至萬世有辭諸家多訓虞為度朱子謂作愿 之準也正義日射者弩已張訖機關先省矢括與所射 為人也儉必寡欲心有不存馬者寡矣其為人也侈必 多欲心有存馬者寡矣聖人之言通乎上下言近而指 君必恭儉史稱文景致治亦只盡於恭儉二言何則其 ,說為是機弩牙括矢之尾末岐而街弦處度者寫下

淡定四車全書 歌萬物庶事其不各有其所得其所則安失其所則悖 止益人不敬則心無主心無主則静易昏動易擾烏知 愚謂得其所則安敬則得之失其所則恃不敬則失之 故曰欽厥止○惟聖人然後能安汝止君子則當敬其 為政亦如是也○射者必有度吾心之止烈祖之行吾 夫有物必有則父止於慈子止於孝君止於仁臣止於 之度也程子曰夫子曰于止知其所止謂當止之所也 之物三者於法度相當然後釋強發矢則射必中矣言 尚書日記 季

具未動而有能 常有以主乎静中之動而静有定止事物紛糾而品節 君子散而後止所 止在於心而止其止者心也聖人敬止所謂安汝止也 不差則常有以主乎動中之靜而動有定止止以理言 止之所在惟常肅恭收飲使思慮未前而知覺不昧則 亦靜也而所以主乎靜中之動主乎動中之靜者 而已矣故曰欽殿止〇欽殿止所以立本然以義 動者在也動中之靜者止之各於其 謂欽厥止也○靜中之動者其理 , 1(4

金少口

1:1:1:

次全四年全書 人 為今王非是全不可移但體性輕脫與物推遷雖有心 向善而為之不固○張氏曰伊尹所陳力亦盡矣太甲 此則近可以慰脫尹心遠可以有譽於後世矣 止之標準也王惟率之而不違則事事有依據之實如 克變其舊習伊尹以為此非口舌所能回須有以處之 事其過於烈祖烈祖之所行其非禮義之成法得其所 王未克變至無俾世迷王於伊尹之言不能無動但未 正義曰未能變者據後能變故當時為未能也太甲終 尚書日記

成乎性不可使押於不惠之人益暱不順之人為不義 遠也生之謂性人為之謂習太甲於不義之事始乎習 指 言初不止此伊訓之後肆命祖后二篇已亡其餘忠規 客通先王以與其善心此聖人造化之妙也○伊尹 麼未能之機使不近弗順之人以草其習心居之桐宫 自グで 切諫固應多矣及覆之而不聴乃有桐宮之營○伊尹 心雖省悟然心不勝欲所以欲變而未能伊尹来其欲 太甲所為乃不義習與性成孔子曰性相近也習相 卷七

之事以類牽引此習之所以成也桐湯之墓所也管宫 ここう・し ここ・ 受於天而生之理具於心是之曰性其動則為情此性 心從生有會意有假借天命之謂性此會意也人之生 於伊尹而與習對言此論性者所當講也性之為字從 無使終身迷惑而不悟也〇書中言性自成湯始再見 松近於先王欲其朝夕哀思以與起其善心以是訓之 相遠孟子堯舜性之此等性字並假借也但取生字為 之所以得名也習與性成少成若天性論語性相近習 的馬丁巴

相發孟子道性善成湯之論性也夫子謂相近伊尹之 習之所關乃如此可不慎乎夫子之言正與伊尹之言 一多定匹庫全書 善而惡者可變而為善習於惡而善者亦流而為惡益 習於惡則惡目於善而智益智目於惡而愚益愚問於 專為言性而發謂性本相近由習乃相遠習於善則善 義益曰天所生為性人所為曰習爾習慣如自然湯武 於會意假借二義故多費分疏夫子性相近之言益不 反之亦習之力也六書之法假借一類甚多先儒不明

不用其說作不使太甲神於近習其意固住但於本文 子以伊尹不忍習見太甲不義之事故故諸桐蔡仲默 子性相近一言正是論性之所以得名處則尚楊韓子 意也知兩性字不同可以論性矣〇魏太常曰若謂夫 押於不順押習見也不順言太甲所為不順義理也朱 惡混三品之說皆不謬於聖人而孟子道性善却反為 之曰性即理也則諸說不攻自破矣〇孟子集注子不 一偏之說矣孟子見得分明故道得直截而程子又明 ・幻とラーこ

| 鈸定匹庫全書 賢者之為人臣也其君不賢則固可放與愚觀成湯之 則易位孟子論貴戚之卿尚然况伊尹子 克左右厥辟又曰惟尹躬暨湯咸有一德則湯之所以 任屬乎尹與尹之所以自任者可見矣反覆之而不聽 自言則曰幸求元聖與之戮力伊尹之言則曰惟尹躬 弗押文勢未順須添字而後可通○序曰太甲既立 明伊尹放諸桐孔氏曰不知朝政故曰放公孫丑曰 但桐宫居憂克終允徳孔氏曰往入桐宫居憂能思 卷之 とこずこ 見服奉嗣王歸於亳 官居憂猶今之廬墓爾史氏記其實曰居憂伊尹言其 非史氏明著其文人鮮不以伊尹為幽而奪之政矣桐 惟三祀十有二月朔至歸於亭適當除丧之日伊尹以 **設教之意曰密遍先王其訓** 知朝政三年不言也祖桐宫居憂也放者後人之言爾 念其祖終其信徳正義曰居憂謂服治丧禮也○按不 太甲中 1.1. 尚書日記

曰太甲克終允徳伊尹力也而歸之天者君子能致人 治無亂此老臣上為其君下為其民之至情也○林氏 於悔過遷善之地不能必其人有悔過遷善之心尹皆 以君四方故人心不可失一失不可復放君民相保有 者出君失民廟社一絕不可復續〇民非君不能相 民固不可無君而君尤不可失民者民無君復有明君 多定匹庫全書 以生故上有明君天下無亂生民之至願也君非民無 作書曰民非后罔克胥匡以生至實萬世無疆之休謂

當有禮縱肆自任則敗禮二字乃太甲前日受病之源 てこうう 故至此首以自責○朱子曰伊尹之言極痛切文字亦 也縱者放肆也奉身當有法度嗜好無節則敗度檢身 言稽首稽留之意是首至地之久也真氏曰欲者嗜好 盡其忠誠矣而無終不改則太甲悔過庸非天乎 古者天子尊師重傅太甲拜手稽首成王拜手稽首疏 王拜手稽首曰子小子不明於徳至圖惟殿終朱子曰 五就無矣事雖不可見即其感悟太甲者觀之於禁必). J.r. 尚書日记

一多定四年全書 明后者惟明后智足以决向往而能自達於髙明勇足 昭著何以厭天下臣民之望繋遐邇爱戴之心乎曰惟 新志甚美而天下之仰望亦方新药非慎厥身修實德 於下而已益昔日太甲不明人心幾去今日悔過圖終 誠懇惻處 只有許多只是重遂感發得太甲如此○按重謂其至 尹拜手稽首回修殿身先德協於下惟明后太甲以 明自咎故伊尹語以明君之事惟在修厥身允徳協

以致成功而不首安於九近謂之元良謂之上智為其 能如此而已非懷二三之志而暫明之天理終不勝其 **こ.** う. ! 王之實事以為法先王之德無所不允自其誠於愛民 先王子惠困窮至后來無罰既期以允德協下因舉先 順 就月将於天理之中而不自知其德之成矣 已嚴恭寅畏天命自度齊明盛服非禮不動則此身日 錮蔽之人欲者所能也其言協下猶中庸論誠身而以 親信友獲上為徵也修身之事亦不出於禮與度而 的\$m

我君來其無罰乎益鄰國民不見德惟罰是閒其王之 一多定匹庫全書 法之曰懋乃德視乃烈祖者人志必有所準的然後勉 來除其邪虐王德之協下可徵矣 勉而可期其至舜以堯為的故能重華順子以孔子為 心至於並其有那殿都之民乃以湯為我君曰侍我君 誠矣未有誠而不動者也故民服其命無有不得其惟 王懋乃德視乃烈祖無時豫怠既舉湯事因勉太甲以 言之心皆視為赤子政尤先於困窮惠曰子惠其爱者

之望 ここうこ 失之豫怠不必逸欲只優游怠弛少不自强即與烈祖 而德允者可至不可有一時之豫怠益學如不及猶 ij 的 已之心一以烈祖之心為心烈祖之事為法原乎身修 新又日新烈祖之所以懋其德者如此太甲勉勉不 功也由此數之而為子惠之仁由此達之而為係 相 故能庶乎視乃烈祖欲太甲以湯為的也苟日新 似矣○湯之懋徳又子惠以前事即檢身若不 尚書日記 后 恐 及 U

物 聴 為聪〇愚按非明不能見遠故視遠思明非 恭 德故聽德思應蔡傅以惟亦思也則其說當如此〇所 好定匹庫 全書 不 則奉先思孝一為祖德之循戒前日之罔念則接下 奉先思孝至朕承王之体無數金氏曰改前日之顛覆 者德曰聰然聽德不聰則有領畧不盡處似含兩意 聰明是則視不為惡色所敬為明聽不為姦人 謂之明能聽德謂之聰所聽非德不謂之聽視聽是 為賢德之順〇朱子曰能視遠謂之明所視不遠 THE RESIDENCE OF THE PROPERTY OF THE PARTY O 卷 聰不 能源 肵

君行之惟言之恐後也何厭數耶或云太甲德成尹責 始塞是承王之美於無窮也說蚤了 王之体無數謂承王圖終之美意當知無不言臣言之 及朝廷孝恭為首由朝廷以及天下聰明為大〇朕承 視遠謂之明一段正是此說但蔡傳不如此○由家以 似宜二義朱子以此惟為惟明后之惟最為得之前能 惟固有時訓思然經文上二句曰思下二句曰惟 太甲下 りにうる 則

一致定匹库 全書 |享享於克誠天之所親者敬何也益天之主宰曰帝 悔過思庸之後伊尹猶恐其持守之未為中之語告以 伊尹申語於王曰嗚呼惟天無親至天位艱哉此太甲 當不與大化流通日監在兹天無往而不在小人 為惟天無親克敬者親民無常懷所懷者仁思神無常 憚是弗以上帝為有靈也故畏天之至者當防未前之 欲不顯亦臨無射亦保免敬如是則天親之矣民之所)主宰曰心敬是吾心自做主宰處人之念慮感移 八無尼

若見所祭者平居則相在爾室尚不愧於屋漏無口 相 故君民者天下之大父子也雖以勢而相扶實以恩而 懷者仁何也益天下各父其父各子其子惟元后一 理之聚散祭祀之理不越乎實心之始終有其誠則有 懷之矣思神之所享者誠何也益思神之德不越乎實 其神不誠無物故交於神明之道祭則七日戒三日齊 顯英子云觀神之格思不可度思別可射思克誠如是 固故所欲與之聚之所惡勿施爾也克仁如是則民 与りする

一銀定四库全書 徳惟治至惟明明后故仁誠各以所主而言合而言之 人之主三者皆無常而其責皆在於我豈不艱哉居其 思神天親之民懷之思神享之而後謂之天子謂之神 則思神享之矣天位艱哉者人君上事天下治民逃事 道 言無常懷召氏曰所謂無常者其機在彼而不在我也 位者其可易而為之哉天無情故直言無親民有情故)則在我能盡其在我則無常者為有常矣○真氏曰 仁誠並言始於此三者堯舜尚湯之正傳也

飲定四車全書 者幸爾與治同道雖事未必同而不害其道之同道非 同事者如以念與兵好大喜功之類皆亡之道也不亡 而聲色盤遊作威聚飲任用小人拒遠忠諫等事無以 於治故罔不興與亂同事如禁約巡厲雖各有以召亂 世之下有賢君者出其道必同道同者為善不同同歸 大相遠也與亂同事不必昏主亦有英王而所為與亂 治同道如敬天法祖尊賢爱民自堯舜三王以至千百 德而已堯舜禹湯得之則治太康夏祭失之則亂 與 尚書日記

營阿房漢武帝亦求神優伐匈奴營建章前後 宗初政庶幾貞觀而晚節身自召亂即太宗之身亦幾 時幾乎與無同事矣一旦悔過思庸所由者即湯之道 不克終隋煬帝征遼唐亦征遼秦始皇求神德築長城 事之所能盡如宋襄公以不禽二毛擬文王其人非也 在 則事亦非矣傳謂魯隱公者謂之輕千乗之國則可謂 力行不變爾故伊尹以終始慎嚴與深期之〇唐玄 蹈道則未也其道非也則其事亦非矣太甲敗度之

九三日年 白島 曹擬述三王而道固有與之同者矣豈非與治同道問 先王惟時懋敬厥德至尚監兹哉敬仁誠三言者堯舜 救圖惟厥終之語而深明圖終之道也 且悠久常保此初心之明而為明明后矣此因尚賴臣 之又慎終始不差其所與則不特初心之明而為明 與固由之終而與亂亡亦隨之與亡一反覆手要須其 與之明驗乎〇人心操舍無常克終最難始而與治 謂與亂同事者也漢文景恭儉愛民與民休息雖未 1 . 尚書日記 后

成湯之敬德至與天合太甲其可不與之同道邪能與 重岁口月月日電 當其時其聖敬又日踏升以至昭格於天遲遲久也言 敬日齊昭格遲遲上帝是祗言湯之生也應期而降適 惟時云者謂敬德之外無復他道也詩曰湯假不進聖 湯合則亦與天合矣愚按懋敬厥德克配上帝此所謂 專以敬言之先王為明明之的亦惟時懋敬其德而已 以來相傳之心法合之一德又約言之一敬而已故此 其純亦不已也此所謂懋敬厥德克配上帝也真氏曰 THE RESIDENCE OF THE PARTY OF T 卷上

たこうら いよう 若升高必自下若陟退必自通此言進德修業有序當 法此下五者又欲其矯乎情之偏益因太甲平日有是 懷神享在其中矣 無輕民事惟難無安厥位惟危居上者易視民事為輕 偏歷告之使克去非五者是敬德條件也 循序漸進也上欲太甲於敬字做工夫乃學先王之要 惟天無親克故惟親也程子曰敬則誠又曰才不敬便 私欲萬端害於仁是敬可以該仁誠而克配上帝則民 尚信日記 宝

桐宫之事往已今其即政臨民又事之一初此意亦住 甚是蔡傅今日始若是而他日固改之曲盡恒情之病 終於始即須慎之故傳云於始慮終傅以將終戒脩故 慎終於始孔氏回於始慮終於終思始正義曰欲慎其 危 又云於終思始言終始皆當慎也按二孔兼終始兩意 與作時廢舉當危者安其位者也居安思危則不至於 而不知在民則甚難也上重之而思其難則利病知而

金云四周全書

「とこう」とう 諸 義理之當不當順意見之偏当合乎理雖近吾意不可 下之言固有遜志者矣故復以為戒聽德惟聪最難前 乎己情之偏矣前日欲縱之時尹之言固當逆心而臣 甘惟一以道接之逆者難入而求諸道遜者易入而求 必皆是但忠言多逆遜志之言亦未必皆非然語言多 不從的哪乎理雖順吾意不可不察按逆心之言亦未 有言逆於汝心至必求諸非道真氏曰聽言之道當求 非道道則從非道則拾而言之順逆不與馬則不墮 である。 「日本のでしたとのとは、「日本のでは、日本ので 尚書日記 主

而 多定四年全書 白有益然即須的白身體而力行之若似做不做豈能 嗚呼弗慮胡獲至萬邦以貞伊尹所陳己盡此則欲太 入思慮始得前漫馬聽之未嘗致思而詳釋之則亦安 甲謹思而力行之爾自敬仁誠至矯乎情之偏王須自 既言之此又申之忠言不以逆耳而拒甘言不以遜志 有成故曰弗為胡成太甲果能盡思為之力則德成 知予微意之所在乎故曰弗慮胡獲既入慮始知其句 從則聽德惟聰矣

而己 吾立壽王枚東之徒中外相應以義理之文折難公卿 舊政豈太甲舊當有是失與臣問以寵利居成功則伊 ここうこと 君問以辯言亂舊政至邦其永字於休君問以辯言亂 之純行矣一人元良則萬邦之所承聽而效法者一 身而所存者皆先王懋敬之純心所行者皆先王懋設 尹今日所以明去就之義也以辯言亂舊政以側言改 殿度以利口亂厥官古人之致戒者屢矣如漢武帝 1.1.1 (E) 尚書日記

多定匹库全書 周公還政自古功成而身不退以至於君臣俱失豈邦家 写於休豈不驗哉太甲允德而伊尹告歸成王自服而 祖宗之法度熙豐之與創哲徽之紹述擾擾數世至晴 古今贯穿經史人莫能難真辯言也神宗信用之以改 阶 康之禍亂而後已然後知問以辯言亂舊政則邦其永 之美哉霍光是已 謂以辯言亂政者又如王安石於神宗前論事上下 咸有一億 と

者得也內得於心行得其理既得其理執之必固不為 事發首至陳戒於德叙其作戒之由以下皆戒辭也德 德戒太甲使君臣亦然此主戒太甲而言臣有一德者 以戒之經稱尹躬及湯有一德言已君臣皆有純一之 既歸於毫伊尹致仕而退恐太甲德不純一故作此篇 孔氏曰言君臣皆有然一之德以戒太甲正義曰太甲 欲令太甲亦任一德之臣經云任官惟賢才左右惟其 ラン・ラーと こここ 人是戒太甲使善用臣也又曰此篇終始皆言一德之 尚書日記 舊

其德不為一也經云德惟一動罔不吉德二三動罔不 志既少決性復多疑與智者謀之與愚者敗之則是三三 邪見更致差貳是之謂一徳也而凡庸之主鑿不周物 伊尹既復政厭辟將告歸乃陳戒於徳正義曰襄二十 凶是不二三則為一德也又曰終始惟一時乃日新言 德為成 年左傅云伊尹放太甲而相之卒無怨色則伊尹又 必須固也太甲新始即政伊尹恐其二三故專以

| 欽定匹庫全書

P.

とこうう こらう 謎者謂今日而善則福之明日而 温則禍之難必信也! 也吉與祥為類德之吉則祥應之凶與災為類德之凶 尹之責塞矣猶慮其他之未一故以斯言做之曰天難 卒在沃丁之世 曰命靡常者有德則歸於我無德則去而之人無定在 曰嗚呼天難甚至九有以亡真氏曰太甲處仁遷義伊 王之留周公不得歸也序云沃丁葬伊尹於亳則伊尹 相太甲益伊尹此時将欲告歸太甲又留之為相如成 尚書自己 ŧ

到可知且湯於伊尹學馬而後臣之此先已後湯益片 伊尹而尹於此乃曰惟尹躬暨湯咸有一德則尹德所 至於慢神虐民不堪為神人之主天改其命九有以亡 夏王弗克庸德至爰草夏正庸常也言夏桀不常其德 則災從之天雖難信然常厥德者必保厥位乃所以為 多定正库全書 而湯有之〇金氏曰一者有常不變之謂湯以元聖稱 乃所以為有常也 可信也命雖靡常然君德有常則天命亦常而保厥位

盖子言伊尹不有天下相湯以王於天下尹湯同德而 之人啓迪即者求之意啓迪眷求必有其事如多方所謂 象又可見矣○有命一德盖互言之具實一德即有命 受天命聖賢於此以德言不以位言也伊尹聖之任氣 君常厥德保殿位豈不信哉○天子主百神之祀統九 心於是受天明命而有天下也湯以一德而受命則人 大動以威開殿顧天者惟尹躬暨湯咸有一德克當天 真實工夫所自得之妙直以告太甲不避其辭之直也

一致定匹庫全書 有之惟民心之所歸在於一德故商之一德則足以得 德故商之一德則足以享天心而受命 也商非求民而 以天民並言天非私商而與之惟天心之所佑在於 義曰德當神意神乃享之故以享為當也 有之衆上下亦至言之〇孔氏曰享當姓也爰于也正 徳惟一動罔不吉至惟天降 災祥在徳一者終乎天理 非天私我有商至惟民歸於一徳天命則人歸在內故 民心而定師也 ELL

次三日年七島 國 受命其德亦當俱新易以日新為盛德故德不可以 太甲以繼湯之一德也太甲即位已久此自復位既新 今嗣王新服厥命惟新厥德終始惟一時乃日新此告 德故其在人一德則吉不一德則凶斷斷不差也 日新不日新者不一害之也始明而終暗始敬而終肆 ***3 惟吉凶不差在人者惟天降災祥在德故也降於天者 二三者雜於人欲天理無往而不吉人欲無往而不凶 "炎祥受於人者為吉凶○惟天之降災降祥一 尚書日記 一在乎

THE SECTION OF THE PROPERTY OF THE PERSON OF

《新疆》中,《西班通》中,《西班通》中,《西班通》中,《西班通》中,《西班通》中,《西班通》中,《西班通》中,《西班通》中,《西班通》中,《西班通》中,《西班通》中,"西班通》中,"西班通》中,"西班通》中,"西班通》中,"西班通》中,"西班通》中,"西班通》中,"西班通》中,"西班通》中,"西班通》中,"西班通》中,"西班通》中,"西班通》中,"西班通》中,"西 戼 德也按篇題蔡氏云恐太甲德不統一及任用非人故 徳上文既勉太甲以君之一德故此又論臣之當有 任官惟賢才至惟和惟一金氏曰篇首言尹湯咸有 也 始如一不有良殺從旁觀之每日益新是乃日新之義 重好吃人名言 此篇夫君德既純一而又任用得人此所謂成有 日是而今日非自旁觀之則有新有舊言王德行終 入之心為或作或輟之事今日勤而明日情

欠已日日上日 資成湯伊尹不可及已守成之主在已者既當終始有 為德此臣字兼庶官大臣言朱子曰四為字並去聲為 謂其道德足以為師為保也非賢才之稱可盡臣為上 此得之則足以為一德之助也小人蠱惑其君則不問 防小人必密者正以於此失之則足以為一徳之累於 常日新其德而庶官左右必賢才必其人任君子必專 德也成有一德此篇之綱領也大抵君臣同體德業相 斷於己亦必間斷於人矣官庶官也左右輔相也其人 尚書日記

賢如不得已論定而後官之之意和者可否相濟謂既 之易進也慎者慎於聽察慮誠偽之難識也即所謂准 是是这种的人,这是一个人,这是一个人,我们是这种人的人,也可以是一个人的人,也是一个人的人,也是一个人的人,也是一个人的人,也是一个人的人,也是一个人的人,也是一 其可獻其可以去其否之類一者始終如一立政所謂 得其人則君臣當同德一心如晏子所謂獻其否以成 子臣也言臣職所繫其重如此難者難於任用恐非才 永順乎若也為下則為民生之真安而非為富貴龍禄 狗已之所安思謂為上則為君德之成就而非為奔走 上者輔其他而不阿其意之所欲為民者利於民而不 金公口压白量

善執一而師則無以得一本萬殊之理善原於一不協 德無常師至協於克一無常者不可執一之謂德兼衆 樣進矣有息則不能任君子而君子有時乎見缺矣用 君心用人之本也有襟則不能防小人而小人於是乎 人之主意慎正所以慎其難也〇一者不雜不息之 民者也〇聽察在先任用在後先言其難者盖難是用 人之不一即德之不一也 勿有問之自一 <u>.</u> 話一言我則未惟成德之彦以人我受 尚馬ョ已

是一个时间,我们就是一个时间,我们就是一个时间,我们就是一个时间,我们就是一个时间,我们就是一个时间,我们就是一个时间,我们就是一个时间,我们就是一个时间,我们 以輕重長短輕重長短因物而形各得其分雖萬殊而 長短物皆然心為甚此心之權度至一也而物不能敗 心之能一乃為至善孟子曰權然後知輕重度然後知 朴 **欽定匹庫全書** 善無常主如言前日之受是今日之受非也協於一如 以善為主善則師之故無常師善亦無常主惟協於臣 言皆是也益均是善但易地有不同者故無常主必合 於一則無以達萬殊一本之妙朱子曰一者善之原也 一乃為至善蔡氏曰協合也克一者能一之謂也按 1

三而為惡矣萬殊如稱量天下物箇箇不同都從此一 常人未免有二故常强恕〇一本者理只是一箇萬殊 定底權量中出無有差貳所以說一本而萬殊萬殊而 者做出却有千般萬樣之不同一本如尺度權衙之有定 如官較勘定權量只有一箇若民間私造有大小便二 以能一聖人之心常一所以動無非善所謂一以對之 其理未當不一也故協於克一一者善之原萬善皆從 一中出此心能一則無往非善矣此心若標於私欲何

の日の日本のでは、100mmは、100mmは、100mmは、100mmは、100mmは、100mmに、100mmに、100mmに、100mmには、100 不一者而至於一〇理在吾心因行而名謂之德随事 處也窮理者須窮其不一者而至於一力行者須體其 **賞○理之散見者謂之舊而德其總稱一則其本原來** 也心蔡氏云天以一德付之於人散為萬善人君必合 又言一德之要主善為師不專庶官上師古人無非師 天下之萬善而後理之一者可全也此數句說得極融 欽定四庫全書 克一克一者一本也上文言用人之一亦一德中事此 一本惟萬殊故不可執一而求惟求之不執於一故協於 卷七日記

善前日受今日不受皆是也是一〇横渠云徳主天下 四的一串下無相對之意〇如廉是德當解當受處是 箇權衙尺度雖萬殊而未始不同歸也是曰協於克 隨事顯而本則一也克一者得否心之天則也事事有 之善善原天下之一朱子謂這見他說得極好處盖從 有對二三而言者有對萬而言者此篇之一皆對二三 而顯謂之善易也皆然謂之一一者吾心之天則也理 中流出者無有不善蔡傅似未悟徹此宗旨也〇 5i 与雪日记

多定匹库全書 通無問也又曰者見因言而又得其心也王心之一徵 之一有該括萬善之一則破碎經文自然不雅 道一以貫之是也若謂有純粹無樣之一有始終無問 諸萬姓之言王之一德於是不可揜矣○王之心未一 **俾萬姓咸曰大哉王言至永底烝民之生咸曰者見感** 即有常之一純亦不已是也有常之一即并包之一吾 而言然不二三之一即對萬之一也〇子此說間以語 人多不契獨浙西袁儀卿者有合馬其言曰純粹之一

今王以一德保殿位則克安此禄而無靡常之憂矣然 貳於小人也則萬姓之趨向亦自不容於不一矣()克 以見其心知其一於公不貳於私也一於義不貳於利 主則永底其生而無問克胥匡之憂矣○傅中感應效 **緩水底皆承一德說來先王之禄即所謂受天明命者** 民之生即所謂以有九有之師者今王以一徳而作民 以訓萬姓之從違王之心既一則發於其言人人得 於道德憂勤不貳於聲色遊败也一於君子不

とこうこ

1.1.1.

Ą

尚書日記

¥.

東人各有意欲行其私而吾能總攝而整齊之如出於 **他之真能一也重一他上說有此感應則有此效驗效** 銀方四月 全書 嗚呼七世之廟至可以觀政七世之廟其外則猶有不 驗方就外面言之 驗辭 實相因有此一德則有此感應乃自然之理見其 觀政之修否不能掩於天下之公也王者遠畏後世近 毀者可以觀德之修否不能掩於後世之公也萬夫之 人非政教之善有以深服其心何以能如此故可以

てこうう こよう 省當時則所以修其德政者不容已矣 有隆殺自天子至官師其制不同官師謂諸有司之 按宗廟以享祖考而致其報本之意德有厚薄故制 是也諸侯二昭二穆與太祖之廟而五天子三昭三 長止及稱却於稱廟併祭祖適士二廟祭祖祭補皆 氏則公子友仲孫氏則公子慶父叔孫氏則公子牙 不及高曾大抵士無太祖而皆及其祖考大夫一胎 楊與太祖之廟而三大夫亦有始封之君如魯李 -尚書日記

金完四月全書 為太祖文帝為太宗宣帝又尊武帝為世宗皆世世 盡當桃共王時武王當桃以其有功當宗故皆别立 逐三的三榜以世次親盡則還周至榜王時文王親 至於七廟益不可復加而宗不在數中太祖百世不 穆與太祖之廟而七自上而下降殺以兩自下而上 不敗光武中與於洛陽立髙廟於南陽春陵立四親 七廟之制每帝縣立一廟不序的穆景帝尊高帝 一廟而謂之文世室武世室亦皆百世不遷漢世無 卷七

大三日日 Lukus 為太祖周有天下自文王武王創業而以稷為太祖 之太祖其所追尊之祖考在其身則為近親而功德 唐太宗宋太祖則皆起自匹夫初無所因宜為一代 天下而實承其統不得不以為太祖後世若漢萬帝 縁稷契皆有功徳始封為諸侯建邦改土湯武雖有 迄今莫之能改○又按商有天下自湯創業而以契 後帝相承皆藏主於世祖之廟由是同堂異室之制 廟明帝遵儉自抑遺部藏主於光烈皇后更衣別室 尚書日記 孟

金分口屋 台電 MENTALISM STATES OF STATES 端 遠其廟當以次桃而功德又非一代創業之所自實 不満於此朱子主王安石之說謂始祖不可挑其大 始祖而合食之時不得正其太祖之位歷代議者每 有始祖是廟有二祖也二祖皆不可桃太祖常厭於 不得以商周稷契為比唐宋既以躬自創業者為太 祖又以太祖所追尊之第一室為始祖既為太祖又 之所本也宜極推崇之典在後世子孫論之則親己 有五謂寫生聖人始祖不可謂無功德一也謂

たいう ここい 藏主於子孫之夾室於義為不順三也若為始祖别 太祖之心亦欲尊崇具親二也謂始祖之廟不毀然 祖則自始祖以下當藏主於太祖之夾室以祖考而 室其名實為不相合矣推太祖功德之所自固不可 立廟則有原廟之嫌四也謂太祖功德配天所伸之 後始祖之次當桃者可藏主於始祖之夾室若桃始 精矣抑有疑馬太廟者太祖之廟而以始祖為第 祭至多惟廟享為始祖屈所屈之祭至少五也〇義 尚書日記 芸

動定四月全書 之取善當無問匹夫匹婦雖若所知之被然離而聽 則愚合而聽之則聖益衆多之智慮雖聖人有不能加 后非民間使至民主問與成厥功君之與民實相須君 請始祖無所預推太祖尊親之心固不可謂始祖以 然則好守朱子之說可也 女口 之故強居太祖之位其義終不安禮以義起不知何 下盡可桃但始祖既不得比稷契稱太祖而以子孫 而後可此必俟有議禮制度之聖人然後能定不

とこうう こよう 散樂善無倦則凡政事所接無非延納之地民情所達 豈能人人而延見之日日而咨訪之只是吾之聰明不 則必使匹夫匹婦無不獲自盡而始無一善之遺克舜 詢於移義鰥寡無盖明四目達四聽益為此也然帝王 自廣俠人之心則豈能主善為師乎推主善為師之量 皆吾感觸之機爾聖人以已不能盡匹夫匹婦之善為 有遗知事有遗照民主將雜與成厥功哉○人君的有 尚書日記 ++

馬苟自廣狹人而匹夫匹婦有一不得自盡於上則理

金丘匹四全書 懼而後以匹夫匹婦不被已之澤為耻譬之天能已羅 萬物而後萬物咸被其澤也後之沾沾自喜足已而自 用者竟何為哉 尚書日記卷七